

卷之三

72238

12

地2801109

38

Sp=012

卷之十三

勝蹟志 全

計九十六頁



仁壽縣志卷十三

勝蹟志

遺址 祠寺

碑坊 塚墓

磨崖 器像

樓閣 園亭塔

遺址碑坊磨崖

仁壽故城今治東二里唐貞觀九年徙城西今治本漢武陽縣東境後魏定蜀於此置普甯縣屬懷仁郡周閔帝元年於此置陵州因陵井為名隋開皇三年罷郡以普甯屬陵州十八年改普甯為仁壽縣

貴平廢縣今治東北西魏置縣在今簡州界本漢廣都東南境屬益州舊治和仁城唐開元十四年移治綠川

仁壽縣志

卷十三

勝蹟志

一

即此宋熙甯五年省入廣都乾道六年復置屬仙井監元憲宗時併貴平入仁壽縣

貴平故縣治今治北百二十里盡墾為田惟東西門

梵刹尚稱貴平寺寺後小山即貴平山山北聖人壩

古聖廟基往往掘出先賢遺像

蒲亭廢縣治南十五里西魏置隋大業初廢改井研

廢籍縣今治西北百里本漢武陽縣地後周置因蜀先

王籍田地為名隋廢入貴平縣唐永徽四年復置屬陵

州宋熙甯五年廢入廣都乾道六年復置屬仙井監元



初廢籍縣舊唐志謂本梁席郡隋廢郡爲縣始曰席後訛曰籍

始建廢縣今治南五十五里本漢武陽縣地隋開皇十年於此置始建鎮大業五年改始建縣舊治擁斯茫水唐聖歷二年移治榮社山卽儒社山宋咸平四年廢爲鎮

鎮子場古碑記稱始建鎮

唐福廢縣在縣北四十五里無考

古文廟遺址在貴平寺聖人壩

古將軍廟遺址在老人橋上里許道光初里人掘得將

仁壽縣志

卷十三

勝蹟志

二

軍帽盡赤金乃一廢塚去不一里卽廟址今猶呼其地曰將軍廟

唐張鴻高隱處在金耀山北斗鎮蘭溪有宅在其上數百步

宋孫光憲故里在廢貴平縣署後

宋何文縝故宅在治東四十里馬蹄山東麓稱三鳳里與瑞雲山隔一蟠溪相望不及一里

宋喻汝礪故居在印山

宋熙甯進士陳祐構別墅處在治南五十里陳祐溝



宋虞忠肅公故居在鎮場東八里藕塘灣去父子寺五  
六里石坊石棹石橙猶存

元末處士梅述居處在隆山

桂花臺白楊廳故址在周龍場東十里貢土灣青龍嘴  
後山左明江南察院楊謨襄陽知府楊枝省提塘楊春  
遇國初康熙峩眉訓導楊貞應接來往官府之所

明進士徐佩弦故里在何家場十里雙橋樓房其騎門  
石鼓鼓眼天井猶存

宋何丞相讀書處一治東北二里樂道園一治四十里

仁壽縣志

卷十三

勝蹟志

三

蓮花池左畔有讀書亭花時香聞數里一在鶴鳴洞一  
在廢鼇峯書院處

宋虞秦公讀書處一治□土淵池旁有讀書亭一治南  
父子寺

宋虞忠肅公讀書處一治東二里瑞竹園一治南儒社  
山以虞祺父子讀書於此曰父子寺一鶴鳴洞

李璧東山精舍雍公讀書詩木落天清遠嶺多水平  
煙盡鏡新磨周公謝傅皆塵土病鶴閒來借一柯

明進士廖道冲讀書遺址在玉屏山上



張道陵修煉處在艷陽洞

譚子得道處在天池山

宋羽士辟穀處在天仙洞

五代僧顯微結廬處在陵州地

黃修圓寂處在汪場西蔡洞

東晉王氏女廬墓處在寶峯寺山下王氏女塘王氏女

看經道場在勅賜寶峯寺

明嘉靖間御史楊某廬墓處在孝子洞墓在洞頂猶存

孝子壘石

仁壽縣志

卷十三

勝蹟志

四

文與可鐫怪石墨竹處在龍巖

壬孫詩風雨勞先別敢辭樽酒深一梢牆上竹畱作

歲寒心 李新詩淺梢疎節似瀟湘正向祁寒敵曉

霜清興未窮僧已老自餘山色與溪長

蜀先主沐馬處在陵州北二十五里割屬廣都縣

牛角寨斜行數里有馬跑泉爲桓侯遺跡古詩桓侯征

戰處猶剩馬跑泉直行二十里許又有張飛營

張道陵劍指七妖女入井處在豔陽洞

陸騰討獠處在石矩山西魏末陵州獠叛江州刺史陸



騰討之獠因山爲城騰陳伎樂於城下一面獠棄兵攜妻子臨城觀之騰潛師三面俱上遂平

宋李順爲寇落馬處在治北五里

關馬溝在御甯寺山下獻賊扎營此

唐李白讀書處在治西北九十里磨針溪象耳山

明軍門故宅在治南八十里基址猶存

漢黃龍甘露之碑在隆州籍縣江口移置眉州彭山縣題云甲辰歲治平元年三月二十七日轉移此碑碑上銳下方穿高五尺餘廣二尺文十四行首行有建安二

仁壽縣志

卷十三

勝蹟志

五

十六年數字羣臣列名居石之二上下四橫每橫二十餘人可辨者侍中二人司徒尙書五官中郎將大和中中散大夫博士各一人議郎四人安漢鎮東等將軍二十餘人碑側題太守李嚴並承令二人崇甯中爲王時彥磨刻其說

寶峯院內有王羲之記王氏廬墓銘剝蝕殆盡

斷碑始建鎮三大字旁志大業四年又北至五十里云云餘壞在鎮子場璉珉宮前土中得之

陳韶湘注大業煬帝年號北至州今之仁壽昔陵州



始建其屬縣相距恰五十里

唐金剛經碑在佛龕山磨巖唐貞觀中率更令歐陽詢書

唐碑考率更碑帖書存世十一碑不言金剛疑贗書  
飛泉山院碑在超覺寺唐初龍元年立

道超和尚精德碑在石城山平等寺唐天寶四載薛兼金撰

開國王碑在唱車山貞元元年貴平令王覺記

華陽國紀周失綱紀蜀先稱王有蜀侯蠶叢其目縱

仁壽縣志

卷十三

勝蹟志

六

始稱王

佛姥寺巖畔穹碑字剝蝕末有大唐元和十一年丙申敬造金塔數字可辨

天師靈廟碑唐元和十五年知陵州李正卿建著天師以東漢建安二年自沛遊蜀占犍爲分野見陽山氣象云

天師洞碑洞舊有東漢仙都四字

天師符籙碑在豔陽洞

唐伏虎禪師碑在香雲山



文宣王廟碑在貴平縣學長慶五年刺史李正卿撰尹  
秦階書碑在縣城後百步可榻而聖賢石像委榛莽中  
近瘞之碑後巖下

龍興寺大藏經碑開成四年吳商撰文

篆字心經碑在大慈閣咸通七年仇溥撰并書

黃帝書陰符經在陵州至道觀咸通十五年邱冲書

古大悲堂碑在報恩寺乾符三年周宋莒撰文

超覺寺碑廣明二年陵州刺史蕭旣立

修大悲堂碑在大悲閣景福二年僧承徽記

仁壽縣志

卷十三

勝蹟志

七

龍華院山門路記在籍縣天復七年立

靈泉院碑在本院山後唐同光三年立靈泉卽譚子池

鐵騎將軍碑在歸安鎮孟蜀廣政二年立

貴平縣牟尙書墓記唐同光五年立

顯教大師碑廣政四年立

僧曉微碑在寶林院西蜀明德元年立

玉堂硯銘在縣治文同與可將赴陵州孫洙巨源以玉

堂大硯贈之蘇子瞻爲之銘坡陁彌漫天濶海淺巨源

之硯淋漓蕩滴神沒鬼出與可之筆燼南山之松爲煤



無餘涸陵陽之水維以濡之注云硯大如四磚許而陵州在高山至難得水故以戲之

蔡君謨法帖

東坡多心經

文與可書千字文俱在縣治

陸務觀跋蔡帖近歲蘇黃米芾書盛行前輩如李西臺宋宣猷蔡君謨蘇才翁兄弟書皆廢此兩軸君謨真行草隸皆備石在仙井可寶也淳熙元年九月八日蜀州手裝蔡帖及千字文乾隆中知縣徐某磨爲

仁壽縣志

卷十三

勝蹟志

八

棹橙千字文尙存半段字作八分甚可惜也

爾朱真人影石刻二片在飛泉山超覺寺一全影一半影寺宋淳熙十年建明宏治中得半影碑刻像贊

宋淳熙四年碑在道士灘左石崖

秦國公碑在更生寺

霄漢堂碑記宋紹定中隆州軍事推官文太虛撰在翳嘶山之麓

翳嘶廟碑何桌撰并書

虞允文書碑在父子寺文曰紹興癸酉十月八日允文



來遊知先世種德本末感愴久之

永懷祠碑在牛角砦廢祠李新撰記

毘迦寺碑在虞家場南宋時立虞文靖回仁壽詩有山僧揚送捨田碑之句疑卽此

天仙洞碑高三丈許字剝蝕惟天仙洞記四字尙存碑陰勒大宋二字

大宋山碑在 羊場大宋山碑有大宋二字餘字滅掘地得之

飛泉山碑二在縣東飛泉山超覺寺一書飛泉舜田耕夫

仁壽縣志

卷十三

勝蹟志

九

題一書快活瀛洲仙子題草書一狀俱題宏治十年瀛洲仙子詩碑

九臺山碑高丈餘嘉靖周大繡立

清元真君祠碑嘉靖馳公道記

勅賜寶峯禪院碑在治北八十里明嘉靖二十九年建

西巖寺藏經碑在北斗鎮半里嘉靖四十三年鐫

花園碑在治西西崖寺高丈餘

松峯寺碑在松峯場上鐫上安樂鄉下安樂鄉字

聚勸會碑在籍田舖東嶽廟嘉靖吳鵬撰文



極樂菴碑萬曆己卯杜朝舉撰文

近坪橋碑崇禎五年陳演撰文

通濟橋碑崇禎七年李春旺撰

呂公橋碑崇禎〇年立字模糊紀天順呂仙臨此教旱云  
廣福橋碑在治南百里深溝與榮界處大明正德三年  
孟春月鄭國玉修碑在崖上

普濟橋碑在治南百里大明萬曆十七年修碑鐫官泉  
李學言撰序并書

石屏風記碑資人李鳴珂撰文八分書末署嘉靖四年

仁壽縣志

卷十三

勝蹟志

十

立

其文記處士劉伯旺縣尹宴鹿溪賑饑事特詳

顯忠祠碑明任瀚撰文

明碑題泰昌元年四字在涂場南二里

明重修彌陀寺碑羅衫撰文

明重修龍興寺碑張致和撰文

明法華寺祖師殿碑失名撰文

明嘉靖元年重修龍馬廟碑在鎮場南五里

明白塔寺碑在北斗鎮古金耀山



貴平寺小碣嘉慶初寺僧伐寺古柏樹倒出小碣高二尺許字若符篆不可辨

十王廟碑在芋芝山

馬落巖碑在龍巖傳宋李順爲寇巖顏爲土王神助戰落馬被擒碑存字多剝蝕

孝子洞碑字滅

明碑在涂廟一洪治三年立一天啟年立

響水洞古碑嘉靖丁酉鑄移在青峯院

放生池碑在碗廠東里許古大深塘

仁壽縣志

卷十三

勝蹟志

十一

吳察院禁止碑在周龍場東穿山洞內

賈家菴碑記張星燦撰

放生池三大字碑在金祥橋下

鴻濛碑救劫回生四大字碑在碗廠高丈許

涼峯仙嶺四大字碑在涂場東嶺

瑞紀來儀四大字碑在艷陽洞史致康書

重修淨土寺碑李元撰文

重修關帝廟碑在署內徐慶昭撰文

重修靈官祠碑在署內胡光瓚撰文



重修觀音閣碑在署內史致康撰文

重修艷陽洞碑羅廷權撰文

重修金像寺碑劉沅撰文

淘河碑在南關外

跨鰲先生故里碑

捫藤先生故里碑

瑞竹園碑

樂道園碑

何文縝公神道碑

仁壽縣志

卷十三

勝蹟志

十三

虞忠肅公神道碑

明廣西龍鳳將軍李尙林神道碑

明邛州都司李時暢神道碑

李春旺神道碑在藉田舖街南

誥授朝議大夫戶部郎中劉錫申神道碑

明殉節賈鍾斗神道碑在籍田舖街北

贈武顯將軍武生李秀神道碑在治北秦皇寺門人總

督楊遇春立

贈正八品武生宋維安神道碑門人協臺鍾廷孝立在



治北煎茶溪場南

李秀字子實宋維安字子麟皆從楊遇春勦白蓮教

匪得贈卹

鄒邁皇神道碑在廢始建鎮

張鳳翥神道碑

吳隆棟神道碑在牟尼寺三里

誥封文林郎張肇學神道碑在治東將操壩

誥授文林郎張文煥神道碑在治東將操壩

誥授武德騎尉張鳳祥神道碑在治東將操壩

仁壽縣志

卷十三

勝蹟志

十三

勅授修職郎張君任神道碑在貴平寺東二里

勅授修職郎張能安神道碑在貴平寺東二里

恩授營副府張能和神道碑在貴平寺東二里

吳集麻神道碑在黃家溝

奉政大夫李惺神道碑在分水舖

鄭彬倫德教碑門人江鼎元王藩立

普甯舊郡坊在署前

文獻名邦坊在署前

儲英坊圮



蓬萊閣坊

金馬神祠坊在南門外嘉靖二年邑令錢世資建廢嘉慶二十三年邑令吉恆重立

三慧寺坊在靈芝山明萬曆二十四年建額鐫清靜禪林圓通妙境八字諸生汪行薦書

龍池真境坊在松峯場西

松峯寺坊在松峯場西

十王廟坊在廢始建鎮東嶽廟今改爲山門涼峯仙嶺坊在涂場南百步嘉靖十年建

仁壽縣志

卷十三

勝蹟志

十四

金耀山坊在北斗鎮白塔寺

順和觀音寺坊

明大雄寶殿匾在普照寺萬曆年建

明吳鴻廟坊在治南八十里上刻吳鴻古誌四字又聯喬嶽有靈晨鐘暮鼓通霄漢皇恩無盡和風甘雨奠乾坤二十二字

明龍洞山廟坊有會龍古蹟四字又李傳道題洞天一新四字

百家橋坊在松峯場東



萬壽橋坊在偏壩河

龍洞橋坊在龍橋場西半里

迴龍橋坊在龍橋場街東

丹桂橋坊在龍橋場南半里

中和橋坊在龍橋場西五里

梅嵐橋坊

古觀音橋坊有凌斗宿永金湯字跡猶存

大石坊在和家場下州通衢

華樓埂坊在和家場義學左

仁壽縣志

卷十三

勝蹟志

十五

牌樓溝坊在治南八十里  
有思亭佳城四字又隱現戊戌年三字

藕塘坊在縣南惟石柱存刻海鶴鳴霄日雲龍出洞時十字

花園坊在寶馬場東

第一山坊書第一山三字明萬曆建

張氏墓馳氏穴坊

徐氏瑩坊

張守先墓坊在和場西跳梁壩



張碧墓坊在和場西教刀礮

李氏墓坊在北斗鎮南水渣均

徐氏祠坊

李氏祠坊在北斗鎮東公坟嘴

馬氏祠坊在汪家嘴

羅成章德教坊在淨林寺橋頭

史公坊

吳公坊

莊公坊

仁壽縣志

卷十三

勝蹟志

夫

胡公坊

磨巖榮深處三大字在署後山

邵盦賦陵陽官廨有甯園焉小院迴廊深深花木短

垣曲徑步步雲煙走且循牆巖谷則纖塵不到貞占

介石詩詞則巧匠紛鑄天開半壁靈誌千年厥有標

題曰榮深處謂檐之昂首應邵所注非誣

應邵屋檐注上林賦

南榮兩頭如翼

或裕之如翎韻會之詞足據

韻會屋裕之兩起者為榮

乃

如爾雅之篇亦復山經之語種類可思草名其庶

爾雅

木謂之華華謂之榮山海經半石之山有草生而秀高丈餘赤葉赤華華生穗間名曰嘉榮

則見



擘窠留跡勒石垂芳墨妙而秦有程邈穎芒如漢之  
賈魴不分今古奚別圓方擬仙人乘霧之形高舉字  
字比神女凌波之象飛動行行獨惜代遠年湮雨淋  
風透塵土爭侵枝柯交覆藤蘿班駁以成紋苔蘚陸  
離而若繡偏旁之珠玉靡留左右之龍蛇莫覲微茫  
欸識一行與歲月俱鎖隱約碧曉兩字爲神靈所守  
嗚呼噫嘻昔人久去陳跡日非納納乾坤蘧蘆總幻  
閔閔世事高岸增欻綠野之短松安在平泉之醒石  
奚歸吟吳子華延壽坊詩悟繁華兮如夢撫蘇坡公

仁壽縣志

卷十三

勝蹟志

七

凌虛臺記知成毀兮相依探岫嶺之碑銘幾經匿彩  
訪婀娜之秘笈孰表遺徽惟此大書巍然三字不慮  
六丁攫取坐鎮名山依稀二酉收藏翹臨福地譬若  
兩重綺席倘少金蓮繡罽誰過客以低徊亦如滿案  
琳瑯必須周鼎商彝始奇珍之美備物猶如此應教  
錦繡名峯愛斯傳焉勿使荆榛礙騎度令芒屨踏處  
椽筮攜時握管臨描輕研雀瓦當窗摹寫細染松脂  
覺山靈之不負知翰墨之呈奇宜乎磴瀉紅泉添玉  
潤珠輝之秀花開碧蕊增蟲書鳥篆之姿



磨巖天師符籙在署內文不可識隱隱我佛如來云  
磨巖仁壽鏡三大字徐慶昭書

磨巖西爽二字徐慶昭書

磨崖有城郭山林氣自佳七字餘磨滅

邵盃詩城郭山林氣自佳葱葱鬱鬱望中皆跨鼇半  
月深藏寺落馬斜陽返照巖芝嶺春融花繡野苔園  
人靜鶴鳴階吟餘只愧貂難續鏤壁空將曉岫排

磨巖芝嶺春霞四大字在治前觀音閣

磨巖艷陽洞如一字在洞門右宏治十年瀛洲仙子書

仁壽縣志

卷十三

勝蹟志

六

磨巖蓬萊閣三大字在豔陽洞外鄧秀烈書

磨巖漢世仙蹤四大字在豔陽洞外羅廷權書

磨巖龍虎二大字在豔陽洞內熊耳山人書

磨巖神明居三字趙寶琛書

磨巖張道陵修真處六字翼軒氏書在洞門右

毘羅寺山石有宋淳熙數字

磨巖大中四年六月字又刻福壽二大字又大峩山佛

姥寺受戒致仕官王尙文捐修等字

磨巖放生池三大字在治東六十里安碧橋側左



磨巖大宋乾道九年勅放生池數字在治東六十里金祥橋下

磨巖活水源頭四字在學署前

磨巖馬鞍峯下隱潛龍七字在治北七十里馬鞍山

磨巖至德二載十二月三日里人雍金榮故記耳十七字在治南百一十里獅子巖

磨巖好天二字在治北三十里好天巖似墨跡風雨久彌新

大石鏤飛來石篆文鄧若水書在治東三十五里

仁壽縣志

卷十三

勝蹟志

十九

磨巖洪福二字

磨巖黑虎寨三大字在治東六十里

磨巖飛鳳巖三字在治南六十五里

磨巖放生河三大字在碗廠一在鎮江橋

磨崖龍壽二大字在署內大三尺餘史致康書

磨巖太乙壩三大字

磨巖爲善最樂三大字在太乙壩

磨巖登仁壽域四大字史致康書

磨巖大佛巖三大字在彌陀寺前郁尙賢書



磨巖崇化二字大逾尺在孝子洞口外又小字數行只  
欽命御史暨嘉靖年號可識

磨崖瑞竹園三大字在鳳形山

磨巖鳳翼埭三大字在張場南十里

磨巖祀學庄三大字在張場東石板灘

磨巖西岸普陀四大字在古佛洞江岸

磨巖古佛勝境四大字在古佛洞殿巖壁旁有大宋乾  
德元年數字

磨巖靈鷲飛來四大字在古佛洞觀音殿巖壁

仁壽縣志

卷十三

勝蹟志

三

磨巖大中祥符禱雨靈應數字如碗大在高峯寺巖壁  
磨巖石城曉鐘四大字在平頂寺巖壁丈許大又平岫  
屯煙青蘿掛月八字五六寸大碧嶢山人書

大石一鐫飛來石三大字如龍蛇狀在鍾祥場北宏治  
四年舜田耕夫書

磨巖文星巖三字八尺大在廢始建鎮南黑蕩陳韶舞  
書

磨巖有寬閒先生杖履六字又淳熙丁未四字猶存又  
一末行鐫淳熙甲辰春三月餘字皆漫漶不可識



磨巖龍蟠虎踞四大字在富加場白塔寺前山

石鑿九溝十八插三十六灣庫字在治東雙龍池

石柱上鑿成化丙午年道人潘元中同緣陳氏清然女  
妙緣孫從彪同建字在富加場川王廟

磨巖宇宙何人操勝著乾坤到此迴雙眸十四字在解  
溫山看棋坪餘漫滅不可識

磨巖萬全砦三大字又千古甯息四大字在治南九十  
五里萬全砦

磨崖放生池三字五尺許大小字一行蝕池下又天生

仁壽縣志

卷十三

勝蹟志

三

橋三字均在過龍場十餘里

磨巖泉流不竭四大字在治南七十里鳴泉洞李傳道  
書

磨巖龍泉古洞四大字在治南六十里龍泉洞李傳道  
書

大石刻白雲深處四字尺許大在碗廠東崖

磨巖地靈人傑古柏溪數大字在治南百四十里陳家  
沱明嘉靖己未盧大智書

磨崖唐隸巖對龍門四大字在治南五十里搭子巖



佛姥寺石刻有大唐元和十一年丙申五月丙寅日等  
字餘磨滅寺外獅子崖有福壽二大字刻大宋陳希夷  
題數小字

磨巖龍飛處三大字在寶峰寺龍洞口上對巖有萬歷  
十六年戊子記字一行

石刻金耀山三字明李某書

謝安寺山門古匾額有彌陀院三大字疏宕飄逸有出  
世之致首尾細字模糊

仁壽縣志

卷十三

勝蹟志

三



勝蹟志

樓閣園亭塔

奎閣在東關半里東風山乾隆初建成豐十一年八月  
滇匪燬同治二年縣令胡圻羅廷權濮琮重修臺寬四  
丈一尺八面四重高八丈六尺

平雲閣在治西

文同詩陵陽郡事全稀少懶守長羸半日閒晚後頻  
來上高閣就中無厭是雲山

含暉閣在治東二里

仁壽縣志

卷十三

勝蹟志

三

趙抃詩曉川嘉樹照雙扉披豁幽軒錦晝歸且喜吾  
懷已虛白三峒山色更清輝

清風閣賴平堂俱在治內邑令裴雲錦建

小蓬萊閣在治南碗廠巖際萬山一水中間清幽空曠  
若與世隔同治元年爲閣五重高九丈許

霄漢堂在治南一里太守趙彥諒祠

望峩亭賓峩亭在石矩山絕頂望見峩眉山

何丞相讀書亭在蓮花池

虞丞相讀書亭



樂道園在治東北二里宋何丞相讀書處

江子洙賦畧緬先哲之藝園倚隆山之東閣高朗兮  
爽塏盤空兮寬綽一洗凡躡胸襟開拓 陳韶湘樂

道園弔古詩南渡網維垂垂墜丞相僕射耿忠義生  
前不識黃龍府死後誰知青塚地厯盡艱辛共北盟

風沙萬里胡兒騎青衣行酒古所悲君斷肝腸臣殞  
涕於今鳳里瑞雲淒故園 園在邑城邊離 菜滿寒色

瑞雲山五十里翠屬曩穹碑臥草間窠臂何人重刻字三巴先後幾  
狀頭淒涼莫話前朝事趙莊叔已就湮沉范金卿亦

仁壽縣志

卷十三

勝蹟志

十四

嗟凌替後來更有新都楊老竄蠻荒垂血淚吁嗟乎

秦檜夫婦並逃回獨畱孽種天何意 葉湘南詩仙

井無人水自悠馬蹄山外瑞雲收一家鳳里難兄弟

百代鼇峰幾狀頭廟略不從三鎮議胡塵空逐兩宮

遊可憐藏主天池上無數鴉聲動暮愁

瑞竹園在治東二里宋虞忠肅公讀書處

虞集詩聞道故園生瑞竹試從來使問何如蒼筤獨

出千叢裏翠節駢生數尺餘比管可吹丹穴鳳長竿

莫釣錦溪魚折筵已向靈氛卜亦說能歸似兩疏 又



聞道故園生瑞竹令人歸興滿江干扁舟不畏瞿塘  
險匹馬誰云蜀道難杜甫溪頭花叵叵孔明廟裏柏  
闌珊新堂題作歸與字定得臨江把釣竿又聞道故  
園生瑞竹吾家孫子好歸看佛祠竟日春陰覆先隴  
多年暮雨寒門戶淒涼嗟老病鄉關迢遞報平安重  
來慎勿勞余夢駟馬橋邊駐馬鞍又聞道故園生瑞  
竹山僧爲我重栽培百年雨露餘生息一日風雲幾  
往回壠上枯桑鴉萃止城東華表鶴歸來聖恩若許  
歸田里千石清尊爲爾開嚴廷襄詩峯迴路轉到  
東陂半畝蕭然有所思園影不畱君子竹書聲已寂  
仲舒幃殘碑有字苔錢掩故址無人麥浪吹杳矣虞  
公何處謁隔溪鳩喚夕陽遲

菩園在署內

詳志餘

甯園在署內

倪鼎銓箴鼎銓乾隆癸卯六月蒞仁壽任未數月于  
役崎嶇甲辰春始得署治事至今幾兩載剔舊理新  
稍稍整飭吏民亦有安焉之意陸清獻言居官者視  
官署如傳舍卽見心不在官公餘修理外廨補葺內

仁壽縣志

卷十三

勝蹟志

三



署又構數楹爲親朋賓幕治事之所署依山余出入其間必穿林倚石俯仰之下見雲拂鳥飛以爲此吾廬也因仁壽舊普甯名曰甯園箴曰司牧之設求甯見稱政平訟理民俗斯馴居位願外越畔是懲毋汨爾志毋眩爾神夙興夜寐守官守身卽此抱一天清地甯 邵盞記普甯皆山隆山尤著名今廳事後王靈官祠祠後峻壁鐫滎深處三大隸字欵式漫滅左篆文十數行剝蝕不可句讀沿壁行登數仞岡所謂將臺石疊方壇古樹從城牆下穿石罅上作虬龍拏

仁壽縣志

卷十三

勝蹟志

三

攫之勢俯瞰山麓一角居民錯處鱗次櫛比炊煙浮動白雲欲還夕陽一抹晃漾其際此真一幅畫圖由石磴下爲甯園小臺三楹如畫舫曰雪舫左亭茅覆可錦繡萬花谷乾坤一草亭爲聯月令云可以居高明可以遠眺望素琴靜張爐煙篆裊攬景物于一亭中其旁迎風而折芭蕉拂雲而聳翠竹畫蘭掩映可號綠天所少飛瀑流泉吹送一憲午夢樓之前甃石池方廣丈餘水清澈見毛髮遊鯈往來浮沉寒鑑之內止水鑑明於此得少佳趣春風一拂百草怒生沿



堦繞徑碧我襟帶楊柳則搓絲織線天桃則裁錫剪  
絹秋之日芙蓉盛放觸人泛綠衣紅之感其或風瀟  
雨晦古松老杉修柯曲幹皆作濤聲震耳騰踏如江  
潮夜吼激射空壁響應谷中間值風露清微月痕如  
水亦時散步林中花影在樞人影在地清夜初闌銅  
壺頻促吟聲朗朗曼玉敲金巢鳥啾唧呼鳴遙相爲  
和斯園或擬於洗心滌煩或等虛舟不繫皆足覘其  
趨向所存遂記 姚德椿賦開十笏之陸山拓數弓  
之隙地肇錫嘉名甯園是誌雕欄回映以鮮明石磴

仁壽縣志

卷十三

勝蹟志

三

高盤而錯置亭開六角萬象皆涵樓啟三楹纖塵不  
至跋階以上簷前赤日浮光倚檻而瞻窗外青螺積  
翠藤蘿爲帶薜荔爲牆紺林爲帷幕錦岫爲屏障溪  
澗爲音樂木石爲輩行吹面有楊柳和風襟期瀟灑  
入懷而梧桐霽月意興徜徉不假安排松聲鳥語每  
尋樂趣茶竈琴牀當春則嫩草叢條遙邨凝碧惟夏  
則筠簟隱囊北窻自適蓐收御則霜華月魄萬物知  
秋元冥升則雪皓冰寒千巖俱白林深抱日洞壑皆  
清徑窄藏雲烟霞有癖斯又點綴之天成而光景之



時易也由是撫清音於古木聽爽籟于幽泉可以永  
琴樽之趣可以結巖壑之緣采藥取魚獨樂入温公  
之賞酢梨酸棗做廬藉庾信而傳步步入勝飄飄欲  
仙畧比桃源之洞還同小有之天我思古人今其何  
往緬風采以考芳蹤合漢明而恣遐想探奇殷在水  
之洄懷古動山高之仰夫豈獨泉石娛情嘯歌幽賞  
一行兩行之蒙密林靜花疎十步五步之欹斜嵐空  
氣爽而已哉歌曰名園繚繞兮山之岑曠如奧如兮  
做以深傍高巖兮隱叢林底須三載不窺兮聊乘興

仁壽縣志

卷十三

勝蹟志

三

以登臨來遊來歌兮有感於甯園之箴

意園在署內

李元記仁壽署後古跨鼇山前令菩園甯園皆公廨  
側未有卽山園之者予創爲意園自二堂而左數武  
退思軒東向奉

欽頌雞雛待飼圖軒內恰前李雲巖制府聯欲求政簡心

常苦到得刑輕夢亦閒列左右壁地輿圖四境路程

三鄉七十二場市圖晨起籤押午夜閱卷日中聽訟

畢瓦坐皆於是退思補過署常辭無以易襲之名軒



軒右有門大啓入則會客所縣僻處無過客無來使  
縣尉學博駐防官三四員閒公事相過從或燕賞薄  
陳設聯曰物役但平均各宜潔白此鄉多寶玉莫厭  
清貧自警亦以警同寅也故寬厰襍植花木數十百  
本出右小門緣堦登望石壁左行舊刻鍾馗殊像旁  
剝落遺句城郭山林氣自佳地狹僅可松柏二二本  
又左穿房一間如行舟解纜繫石壁間顏曰維舫藤  
蘿薜荔窺窻入多則解其結出之又左右兩徑階級  
再重經靈官前寬平或由祠後險徑一縷有榮深處

仁壽縣志

卷十三

勝蹟志

无

三隸字邵鶴汀爲賦小樹一當道伏身而過勿伐下  
階大石欲橫截勿鑿自此徑緣山石爲曲折或挺或  
縮無巖穴而有巖穴趣半坡樹木覆蓋其上午不見  
曦陽他署無此幽景又東小橋渡橋小坊題曰遊山  
可乎由坊西上厯階百餘步將及頂矣一巨臺阻避  
而南下得老葡萄一株緣數古樹上偃蓋如屋其木  
幾與古樹等旁小門入則臺寬廣三丈餘數楹架南  
眺翳嘶東瞻飛泉北俯印山足心曠神怡爲之聯耕  
稼在望於此識民情勤惰市廛滿眼便須知物價低



昂併名其臺曰物治臺不爲閣下臺迴廊十餘間位  
置不欲方亦不得圓不太直亦毋太曲當圓曲處竹  
牀竹几畧可坐二三人曰待月廊廊外屏牆內空濶  
月光四面皆受月望之前後夕簷挂小燈數箋月未  
上燈以待月月上照其一處則滅一處月旣上眾燈  
則滅獨顯月空庭一色庭植花月下最顯迴廊旣周  
仍出臺西門經葡萄下迤邐登城卽明時所築城無  
雉堵垣牆而已城外空濶諸山入眼城內多種竹蔽  
之務周毋一覽盡其妙高高下下委折而東之約百

仁壽縣志

卷十三

勝蹟志

三

許步始登所謂將臺者不屋不牆不窻後有合抱大  
榕木蔭之石桌石几坐稍憇忽聞歌聲田間則鋤禾  
人歌曰非其種者耨而去之我惟嘉禾之務滋豈其  
爾私子曰噓此耨暴安良之道也復兩牧童騎牛而  
歌一歌曰君牛肥兮我牛瘠兮我心惕惕兮我爲人  
役兮一歌曰君牛肥兮我牛瘦兮主人將我究兮我  
有所受兮予曰省瘦瘠牛可肥矣抑避責非誠也適  
有老叟龐眉皓首牽牛而上行行且歌曰豐草或或  
其飽汝腹登勿踣陔勿覆我勞汝力我錫汝福吁嗟



乎我作汝牧予曰是良牧也一一爲之地坐良久起  
降西階視密等中有小徑復折將臺下橫過之箚盡  
得坪潔如日埽前行得亭曰暑遊其地高迎風暑最  
宜聯曰長吏披襟揮扇地小民滴汗耒時亭前卽  
潔坪中池植荷花旁松柏梅桂數本東折而南下經  
世書屋高廠五大間明窗聚書史數千卷名人字畫  
數幅書史日理之字畫懸挂三日輒易几案陳設位  
置亦常更一屋有數屋之用有聯不肯讀書雖享明  
月清風終成俗吏但能勤理何妨鼓歌絃誦皆切斯

仁壽縣志

卷十三

勝蹟志

三

民又歌爐有焚香筆精墨良一几一案一童侍傍有鶴  
兩翼有琴一張菜羹可咬脫粟可嘗得意高歌半枕  
羲皇書房門外短牆甃石平如砥無花果盆盎是謂  
清賞書房右有路達城迤邐東下達倉邸門以隔之  
緣階下竹木叢中草房三間門外水田半畝冬種麥  
夏栽秧內聯茅屋春寒當念民間疾苦石田暑雨用  
知稼穡艱難名之曰課晴草房緣階上轉向西南行  
小徑荆棘間差容足荆棘勿斬伐匪惟勿斬伐之又  
培蓄之子適其意物全其天亭臺屋廊距愈近荆棘



愈益茂密防捷足耳小徑絕則甯園在焉甯園左有樓俯倉樓下有屋俯池池養金魚數十尾以時遊泳池後草亭倚修竹中登其上見縣尉居舍北街市陝西館後林木出亭緣池右歸過二齋幕友下榻所榻前小圃種蒔花卉爲幕友清翫也經蕉天移過桂花樹遂及二堂觀止神遊耶夢遊耶吾弗知吾意所到謂意園

玉泉菴在治東七十里將軍山下

劉元記洪熙改元先大父青城府君歸自濟甯宣德

仁壽縣志

卷十三

勝蹟志

三

中愛舊居東南百步深邃高曠曰築室吾將老焉遂乃構樓一間前屋三間中高與樓等左右稍卑右居左祠祖先中禮三清樓上玉皇居屋前北偏小屋二間治饋食所樓後泉焉坡下平地上出所謂濫泉甃爲井方深餘二尺坡上草樹鬱鬱冬夏常青又治渠深濶減尺引泉循除而西可一常又折循除而北一尋有七尺又折西北行常有四尺注於池有澗澗聲渠北去坡兩步許慈竹枇杷紅刺白花雜插其上池方深尋有二尺在小屋北其東丈餘水晶葡萄三兩



本延蔓滿架架之衡跨其縱倍衡之四其糾然發飢者如龍蟠纍纍然下垂如堆馬乳鬱然而陰如張幄帳澄光翠影上下會合尤與暑宜池北少西有棗有柑有李有桑有杏有林檎杏一株林檎四株下蒟蒻莖初出如鎗長三四尺許其地東西十一步祠堂前簷南偏亦黑水晶葡萄兩本馳架上長竟居室前可五尺橫六尺長十有二尺周以欄杆中承露石盆戴石柱高餘五尺旁花卉若蘭蕙之類臺西去坡邊兩步間兩石榴樹南北立緣坡斑竹千挺迤西北荆竹

仁壽縣志

卷十三

勝蹟志

三

稱是坡下平土可畝餘爲蔬圃西北列甘蔗爲藩援藩外柿巴豆桔枸各兩樹斑竹南坡稍突出且稍高有青竹六七百个其下平處青城府君壽藏在焉纍石牆周七百五十尺內外桂柏盧橘冬青白菓石榴六十七株其直者樛者蟠者疏者若繩若幢若虹盤若鳥革無不可人意坡上平地橫縱可六丈餘菜萸數十樹樹北稍下東北去直樓之南三十步北去花臺二十一步樓去可兩步許有黃苞竹節草蒙絡城坡間下橘橙棗梅林檣芭蕉其多亦不記數植紫蘇



蒟蒻蒟蒻多不及池北抽萌若鎗頗過泉之東坡上平壤東去巖可九步西南直茱萸樹可三十步西北直多蒟蒻東有五十步中桃餘百椒餘五十株有石或立或仆憇石上下視行杪山之岨者巒者舉躍然出効勝又東巖上多參天古柏其下草木蒼蔚攀巖而登深峭陰幽殆隔人境蓋菴之曠邃於是爲勝其正路青竹斑竹間北小路多蒟蒻間西小路穿茱萸樹出入皆縛木編棘爲門所謂衡門先大父居是日惟誦經服氣爲事暇或蠲渠擷蔬循行接花木除榛

仁壽縣志

卷十三

勝蹟志

三

穢倦卽所止而休行無使止無尼悠悠適意若是殆三十年以卒景泰四年秋七月也時餘九十矣是後菴日已壞成化丙申元告歸省向之物爲荒煙野草瓦礫不復存泉亦竭獨先塋樹株猶存枝葉剪伐與族人修垣牆條約護視仲弟漢遠謂宜有記遂記之示我後人

黃門舊館明李春旺父子官歸爲館於坊右其居址館屋形迹猶存道光癸巳新之

望江樓在治西北古佛洞巖麓跨堰水架樓凡五層至



洞大殿一座殿後復樓二層緣樓而上山頂不知緣巖  
險絕

文明樓在治南汪家場文昌宮鐘鼓樓前巖端溝際壘  
土差三丈強底鋪巨石磊磊各丈大安頓石柱十數卓  
立皆二丈許不見上加長一丈七八石柱乃本爲樓凡  
三層空高一丈二丈不等簷週遮則三丈間上一二層楹  
四不爲櫺風力煙光飛湊勢高出四山上巋然壯觀道  
光二十七年建

百尺樓三重高四丈許在松峯場文武宮

仁壽縣志

卷十三

勝蹟志

三

李含芳百尺樓詩聞說仙人好樓居珠冠霞帔佩金  
魚紫氣紛騰紅埃斷碧落人間認有無陡然拔地樓  
百尺神功陰相誰歟力座下橫岡若眠牛天然好景  
囊收得天池無端曉興雲中有鱗族神龍文雋彩繞  
樓忽不見隱隱經聲空際聞西南界下露頭角石獸  
前朝蹲山嶽綠苔爲毛毛穆穆白石其牙牙犖犖回  
頭北望天馬來笑倒驂騑一凡胎羈勒不施行地絕  
空他千里列上臺斷斷小院忙問字一張素琴無絃  
意十八公卿松何如丈山三千峯無二忽然梵音撒



耳過隱隱福泉於雲阿百家卜聚山頭上中有人兮  
念彌陀我來樓際聊四顧蒼茫雲海天如暮長歌不  
覺倚欄杆又聽一聲長笛度

天燈樓在周龍場東十里龍鳳山樓五重高七八丈上  
元張燈四簷角層層明光夜照數里

玉皇樓在玉樓場一在光相場一在老君場

古塔在勝泉寨山下高丈餘嘉靖時建

白塔在治東飛泉山右嘉慶壬戌年建塔寬二丈八面  
四重高五丈餘磚石爲之

仁壽縣志

卷十三

勝蹟志

三

紫光塔在治南汪場西一里高九丈餘

凡若序余聞石可補天銅還柱地山九仞而覆簣泥  
一丸以塞關七重則銅瓦覆樓百丈之金臺出海莫  
不欲增形勝各奏神工若其風水攸關星辰特起橫  
光乎坤軸竦曜乎井區啓煥乎文物聲明鎮安平貴  
丁財祿於是滙流之水口鍾秀之山頭有建塔焉汪  
場興自雍正之初盛於道光以後人物之茂止煙火  
之繁昌水土之清映風景之淑麗西漚夫子驚精光  
爲靈地東山先生比秀氣於下江者也惟夫曠宇交  
關必有羅星特鎮乃爲塔曰紫光勃有昌明之象爰  
之利賴之神朝星拱於諸山障川流於一柱接瑤臺  
之上疊疊疑華嶽之祝多多得不蔭萬家浩劫之餘  
儲百福層臺之勝所願德星永聚美里同仁萬年不  
拔之基五保無方之慶贊曰群巒疊翠一峽開陽  
十里五里雲葉爲場人煙益富科第其常云何不美  
五通堰旁天然墩阜關鎖一方迺相其頂曰塔斯當  
既磚既石雨風無妨以靈以秀蔭而故鄉回風反氣



止煞迎祥益之神道其來馨香永永年代赫乎靈長  
何其作者同治我皇歲則癸亥亂餘小康成之不日  
計金無量 又聯乘以天一運負以地三弓兀兀騰  
騰涌出靈光這點作儒作仙作佛說甚麼名場利藪  
猶然那裏高乎臺九層危乎樓百尺轟轟烈烈招來  
生氣何方塵悔塵吝塵凶算有樣壽域福林都在箇  
中

字庫署內一各場同建

仁壽縣志

卷十三

勝蹟志

三



勝蹟志

祠寺

觀音閣在署內

史致康重修觀音閣記畧大千世界億萬化身聽南海之法音闢西山之靈境何乃楹階湫隘風雨飄搖一任清靜禪關塵滿蓮花之座都忘光明福地靈霏楊柳之瓶垂庇經年捐貲有眾俸香花而供養除蔓草以重興前拓厦檐後增水碓改牆壁而爲疏櫺砌石階而防泥滑朱欄輝大智之燈碧檻映菩提之樹

仁壽縣志

卷十三

勝蹟志

三

寫蒼虬於半壁澤注雲雷栽紫竹以數竿陰添水月金容圓滿低垂救苦之眉寶座輝光廣賜扶危之手但願蓬蒿懺悔咸誦彌陀荆棘慈悲長念般若庶不負金繩於覺路忘寶筏於迷津也咸豐元年

靈官祠在署內

燕都遊覽記宋徽宗時西蜀薩守堅從林靈素傳法王靈官又從守堅受符法稱玉樞火符天將明永樂中勅建天將廟宣德中改爲火德觀封靈官爲隆恩眞君歲時遣官致祭

青溪漫稿

永樂間有周思德以王元



帥法顯京師元帥者世稱靈官大將二十六居第一  
位文皇禱之輒應乃命祀於宮城西宣德初拓之額  
曰大德顯靈宮 徐慶昭新靈官祠記畧靈官祠不  
知何官祠於署內靈官姓王氏名靈爲周孝子年十  
齡急母難廟乃加官名乾隆辛亥四月余蒞茲由舊  
致祭九月藏衛用兵余奉檄馳驅戎馬仁之民急公  
皆奔命壬子仲春師旅之餘亟樹藝忽早告禱於祠  
翌日甘霖大霑旣霑徧於以人神之靈祠之宜也捐  
俸葺新後有勤民而祀神者可以證矣是爲記乾隆

仁壽縣志

卷十三

勝蹟志

三

五十八年 胡光瓚重修大德顯靈宮記畧靈官未  
有祀於縣署者陵陽署後故有祠瓚蒞任逢旱澇禱  
必驗祠卑隘丙戌夏撤屋而新見宣德七年春造瓦  
數片字跡分明信乎明時所建嗟乎鼎遷社屋毋論  
公解世家卽琳宮梵宇莫不隨之灰燼獨此神居無  
恙想見威靈呵護因嵌於龕之壁祠中向供觀音大  
士於左移請居中張道陵自沛入蜀修煉署右重巖  
下豔陽洞中仙踪勝蹟增塑天師像於右並記之

馬王祠在署內



衙神祠在署前

倉神祠在倉號內

蓬萊閣在豔陽洞張道陵於此修煉有祀張仙像

熊應潮記畧縣治咫尺有豔陽洞迺道陵先生跣跡處有臺榭荒蕪久矣公餘散步其間遺像儼然洞巖幽邃茅塞污穢基趾尙存捐俸鳩工堂翁槐陽關公襄得落成蓬萊閣閣前木坊一座兩耳房棲焚修羽士崇禎元年孟春 羅廷權記張三丰大仙傳載張道陵天師係漢時畱侯張子房九世孫世居沛國豐

仁壽縣志

卷十三

勝蹟志

卑

邑縣志載東漢建安二年天師自沛入蜀於此修煉用正一明威道愈人病鑿陵州陽山鹹泉爲蜀人興萬世利原建豔陽仙人閣祀之有像在焉自漢至今千有餘年洞外臺榭旋廢旋興前明崇禎元年糧廳熊公應潮協同前縣闕公槐陽重修蓬萊閣建木坊耳房燬於兵燹乾隆五十三年前任倪公鼎銓募修前殿兩廊咸豐三年前任史公致康將山門培修同治二年權署理斯邑因廟宇湫隘於前殿之右新建瓦屋三楹作道侶習靜之所供俸 觀音大士像於



左廂並捐薄俸發存戶房按月生息聊助道侶薪水  
惟冀同志者隨時修葺俾此地仙蹤勝境得以久而  
彌新云 又題聯山下卽爲塵海地洞中別有豔陽  
天 邵筮詩縹緲蓬萊積翠間曾開傑閣出塵寰雕  
薨昔帶烟霞古陳蹟今餘草木閑可有衣冠藏石洞  
祇畱龍虎護仙關剝苔看取題巖處三字流傳鎮此  
山

奎星祠在東門外奎閣前同治三年建

唱車祠在治北五里漢朱辰守蜀郡有惠政吏民立廟

仁壽縣志

卷十三

勝蹟志

聖

於此山近鹽井聞推車歌聲

李元注名勝記謂廟在貴平縣南九里則去縣不啻  
百里或後人有移建於今縣者與

健兒祠在治南兒蜀人爲漢拒公孫述死吳漢表爲立  
祠

金馬祠在南門外里許今廢

嚴學堯詩爲尋金馬踏蒼苔古井盈盈活水來昔日  
神祠今不見誰家塢外一花開

嚴公祠在治南翳嘶山上康熙五十八年邑令趙嗣美



建蜀太守嚴顏也俗謂土王廟

嚴學堯詩一峯張拱爲跨鼇仙人一去山空高一峯  
突出日翳嘶上有將軍遺像祠將軍事已成千古臨  
江荒塚暮烟雨踞此崇椒狀如生受祀陵陽福此土  
昔賢踪跡皆可欽曾否里居杳難尋我肅衣冠特瞻  
拜蟬吟古木陰森森汪天懷詩樓閣層層砌古垣  
嚴公祠宇至今存翳嘶亭畔風聲颯雷月峯頭道貌  
尊一片忠心光日表千秋毅魄壯軍門平生義氣消  
奸氣棄暗投明且漫論

仁壽縣志

卷十三

勝蹟志

望

川王廟在馭仙橋邊古川王廟在縣署後將臺半里

郭道藩川王廟記畧川王廟惟蜀有且盛或曰獻賊  
屠川時顯靈南安等處白馬騰雲平時凶荒水旱疾  
苦禱必應按漢史川神諱冰姓李氏秦時爲蜀守蜀  
在秦時初通中國疆理未大墾公於灌口穿二江漑  
田億萬頃並垂深淘灘低作堰法成屬十六州縣以  
漕以洩其利至今溥焉華陽國志川西接南有沫水  
亦曰青衣水出蒙山下伏行地中會南安溷岷漂疾  
破舟十有四五公發卒削平水道聿通李膺益州記



蜀王兵闌故厓於地方甚不利公相焚道形勢燒之其境遂平元和郡志水經註又載成都西南七橋皆公所造應七星如今萬里橋應長星安樂橋應圓星外建昌笮橋等處皆準星而成璣夷尾曲然則公守蜀時穿三江鑿離堆燒焚道皆興利除害之大者造橋其餘宜乎屢世晉封永廟食蜀或曰川神趙姓皆俚談不論

何虞二相祠在學宮左嘉慶七年建

歐文二公祠

仁壽縣志

卷十三

勝蹟志

三

凡若題聯盡言頰及禍盈庭唯諾甯怕論朋黨責司諫斷斷伸淹諸臣卒也夷陵官涪州守正氣撐空纜知有羞恥事遑問那居士棋收醉翁酒罷依稀枕上厠上馬上史修五代賦壓六朝蔚然臺閣文章豪倅石杜殉節未為難一旅中興管教動兵僚斬說降拳拳度宗二子泊平厓山破柴市刑從容就義無愧讀聖賢書乃憐他狀元策憤孤客琴悲太息國亡君亡母亡履寶千秋樞還一日至矣丞相忠孝死後陸張

三皇廟在城北街

真武宮在北關外

禹王宮在南關外

萬壽宮在南關外

南華宮在城東街



天后宮在城西街

陝西館在北關外

鎮子 文昌宮川主廟東嶽廟禹王宮萬壽宮

凡若東嶽廟聯其拘於形耶謂諸天因果茫茫云胡  
那夜有所夢行出白日間過去未來現在種種妄思  
便想見游魂黑暗光景非幻原共此神耳看三世報  
施鑿鑿毋亦或歿不吾甯受盡黃泉下地獄惡鬼畜  
生重重苦趣纔知道  
散髮虛空逍遙如仙

汪家 文昌宮三聖宮老君祠神龍祠湖廣館江西館廣

東館金輪宮帝王宮晏公館

凡若文昌宮題聯天上大總裁尚積德崇品心苦學  
亦錄若有分毫遺行桂籍詎容老名士莫牢騷狂後

仁壽縣志

卷十三

勝蹟志

四

生休缺望這裏都早安排文章沒由來試看那鄉會  
兩場如某某及第登科彼從來怎樣天性人間真師  
保察隱私糾過惡厚道還昌倘無半點陰功槐庭也  
禍奇福澤豈微倖好造化絕平常就中儘管領取時  
命難作主不見他兒孫三代一箇箇發祥衍慶其先  
世何等人家 現十七世化身閱盡古今來功過是  
非好陰功還出慈仁真絕業祇憑忠孝漫羨他狀元  
宰相畱遺行播臭名畧無些善處縱榮貴也妄自尊  
大主億萬年文教看破宇宙間賢奸淑慝果儒宗甯  
在冠服有天爵不須科名即如那俗子庸夫叙彝倫  
存厚道但作箇完人雖貧賤都穆然馨香 為累世  
士夫孝友庭階仁慈民物淵乎懿哉咸識斯文未喪  
翊一朝教化功名軒冕學問詞章炳也蔚若都從陰  
騭中來 斯文在地亦在天都宣揚不離人道夫子  
近仙尤近佛乃作用仍是吾儒 湖廣館關帝聯會  
為漢都督敢當帝君不見那堂堂昭烈居然正統若  
讀魯春秋何黍夫子倒笑他赫赫孫曹拜在下風  
小醜敢觀漢社稷後人誰曉魯春秋 可恨那北魏



東吳賊亂雄陰黨怎如我大哥三弟們亮節孤忠  
三聖宮藥王聯承古皇編本草之經對為國手願學  
者飲長桑之水悟徹源頭三神宮瘟火神聯若般  
大不平事幾箇的真好人吾亦慘目沒奈何他心惡  
心奸弄出了無數場禍害甚麼是死妄災那裏有可  
道孽汝須迴頭庶躲脫這神瘟神火消受些莫折算  
福祥財神屠神聯信為寶罔貪玉金問估客云胡  
和義曰無故不殺羊豕笑屠門怎勿好生觀音大  
士聯我有大慈悲纔稱大  
士汝都觀自在何必觀音

松峯場 文武宮川王廟禹王宮萬壽宮

張家場 文昌宮川王廟禹王宮萬壽宮帝王宮南華宮

祿加場 文昌宮川王廟禹王宮萬壽宮

凡若禹王宮聯九州攸同四  
隩既宅八年於外三過其門

仁壽縣志

卷十三

勝蹟志

巽

迴龍場 文武宮川王廟禹王宮萬壽宮

查家場 禹王宮萬壽宮壁山廟

復興場 禹王宮萬壽宮

碗廠場 文武宮樊公廟

寶珠場 川王廟禹王宮

涂家場 文昌宮禹王宮

五皇場 禹王宮

觀音橋 川王廟萬壽宮

鍾祥場 關帝廟川王廟禹王宮萬壽宮桓侯廟



川王廟禹王宮萬壽宮天后宮

趙家文武宮川王廟

五顯文昌宮川王廟

朱家三聖宮萬壽宮

青岡川王廟

分水川王廟

虞家川王廟

富加文武宮老君廟川王廟雲龍宮禹王宮南華宮江

西館吉安館天后宮

仁壽縣志

卷十三

勝蹟志

哭

和家文武宮川王廟二禹王宮南華宮江西館

石金川王廟禹王宮南華宮萬壽宮

剛場文武宮川王廟東嶽廟三聖宮禹王宮南華宮萬

鎮北斗文武宮川王廟

壽宮四川館

週龍川王廟五省廟禹王宮萬壽宮

玉龍川王廟東嶽廟

鴨子川王廟

池龍橋文武宮

張家文武宮萬壽宮南華宮

橋場文武宮萬壽宮南華宮



謝菴 關帝廟東嶽廟

寶馬 三聖宮南華宮

籍田 文昌宮東嶽廟刑司廟禹王宮南華宮萬壽宮

楊柳 川王廟壁山廟禹王宮萬壽宮

龍居 文武宮川王宮禹王宮萬壽宮

清水 川王宮禹王宮南華宮萬壽宮

石膏 滙緣宮

金河 文武宮

大林 文武宮火神廟宏濟廟川王廟牛王廟禹王宮萬

仁壽縣志

卷十三

勝蹟志

三

壽宮帝王宮

鰲林 川王廟禹王宮

觀音 文武宮真武宮

梧桐 文武宮

向家 文武宮真武宮禹王宮

太平 文武宮

千河 川王廟

大滑 文昌宮龍王廟川王廟壁山廟禹王宮南華宮萬

壽宮



高家 文武宮

老君 三聖宮桓侯廟

秦皇 關帝廟

尖茶 文昌宮川王宮禹王宮南華宮萬壽宮

溪場 湖廣館江西館廣東館壁山廟騎龍廟

文公 老廟禹王宮萬壽宮

圓通 川王宮

撫均 川王宮

白壩 川王宮

里仁 川王宮

永興 禹王宮

興隆 禹王宮

馬溪 三聖宮

古佛 三聖宮

金河 東嶽廟

天師院

功德院在玉屏山

寶籙院在治北五里

昇仙院在架衣山

仁壽縣志 卷十三 勝蹟志 吳



更生寺在翳嘶山

超覺寺在飛泉山

瀛洲仙子詩自離霄漢勞公署日月奔波染俗慮仁  
壽風煙清且奇世間也有快活處 李元詩誰把瀛

洲仙子署空山快活牽塵慮儂家原住大羅天隊隊  
霓裳歌舞處 又 仙宮縹緲無題署豁徹四維囂囂慮

二十八星天外天虛空自有清華處 又 碑勒爾朱仙  
影署長歌瑣瑣為人慮涪渠往返漁翁老十萬金丹

無賣處 又 何代鰲峯歸縣署茲山暢好祛凡慮飛泉

仁壽縣志

卷十三

勝蹟志

巽

神瀆又相爭跨得仙鰲失住處 又 不堪吏俗陵陽署

雀角鼠牙終日慮我有頑仙醉酒歸星官押遣雲深  
處 又 上界靈真亦有署蕭閑日月無他慮慮逢仙掌

露乾時慮及瑤臺花落處 又 昨似太清清玉署雲情  
淨掃澄仙慮靈氛灑入老農村笑指稻花香處處 又

墮却紅塵勞部署瓊漿一感生百慮我自無情下玉  
京青鸞駐落靈阿處 又 曾到蓬萊仙島署魚龍出沒

海波慮迴颺且作遊仙侶遊到三隅第幾處 又 姓名  
不著人間署心思不著人間慮一色秋空風雨來鶴



迹畱在遙天處 王爾鑑詩跨鼇山迥對公署一滴

飛泉清俗慮泉邊老桂正花開花裊秋風香處處

巖學堯詩真仙原不定居山快活居山仙亦閑不解

當年緣底事却離霄漢到人間 又 人間筆迹未消磨

往事茫茫一逝波試問仙翁猶在否白雲無語傍山

過 又 山過飛鳥水過舟豈有仙翁戀故邱化鶴也還

華表唳如今何處問瀛洲 又 瀛洲疑不在陵陽竹樹

重遮古道旁仙客至今畱好句千秋風雨傍僧房 又

僧房遙跨萬山開有客尋幽踏石堆剛過芙蓉花放

仁壽縣志

卷十三

勝蹟志

五

處暗香風際忽飄來 又 飄來葉半向秋紅絕頂涼生

暮靄籠爲語山僧須自勉禪關兼得署仙宮 邵鑿

詩飛泉莫作跨鼇猜絕頂嵯峨古寺開壁上詩殘衝

雨讀井邊僧老汲雲回鐵花猶是前朝物石像甯知

厯劫灰若使瀛洲仙客在朝朝容我去還來 郭其

釗詩訪勝上名山岑岑入雲表屈曲到禪林招提最

深窈古木繞龍蛇井泉極清皎我來值春日絕澗聞

啼鳥爾朱何時居真跡亦已杳大峩在襟袖岷江入

目瞭此日好登臨逸興忘懷抱 汪天懷詩古刹寄



蒼巖茲土出塵濁雙樹垂清陰微風冷然作幡影搖  
白雲禽聲弄幽薄方丈何空虛闐寂似巖壑貝葉開  
蓮臺飛泉繞檀閣冷冷孤磬音杳杳度寥廓諸僧靜  
無事趺坐誦般若一聆微妙言頓解生滅鉢 郭泳  
詩遠望岷眉天際依三隅景物餘清暉飛泉快活阿  
誰識盡日欄杆坐翠微 陳韶湘超覺寺詩絕頂結  
僧房竹林深不見振衣上崇岡一覽山色變落日鎔  
紅銅閃閃崖下電雲起鬥光芒陰陽力酣戰天風忽  
吹開放出月光爛寂靜對飛泉湛然露真面心空萬  
極樂菴在郭外十五里

景清夢入碧霄漢

老龍王廟在治北五里龍王溝龍水發源處

杜朝舉極樂菴碑記畧僧照甯嗜靜初超覺寺嘗覓  
地見崇巖峭壁孤聳一隅素水清潭橫拖一面日得  
此老衲願足矣王寅慨然助之叢林落成豈徒安妥  
聖靈抑欲終登極樂宜率諸徒共明心性始之以五  
戒十善次之以三德四智終之以六度萬行俾削髮  
亡種種病苦皈依空寂斯無負創建之意萬曆己卯



觀音巖閣距治四里

平頂寺距治十五里

華光廟距治八里

江家廟距治三十里

梁家廟距治三十里

八角廟距治三十里

游子寺距治三十里

大佛古寺距治三十里

銅鈴寺距治五十里

仁壽縣志

卷十三

勝蹟志

五

大高寺距治五十里

合江鎮廟距治六十里

金佛寺距治六十五里

千佛寺距治七十里

觀音堂距治八十里

楊家廟距治八十里

宋家菴距治七十里

觀音堂距治八十里

彌陀寺距治六十里



長堯觀距治八十里

貴平寺距治八十里

夏簡貴平寺詩古今代謝水奔流過眼繁華貉一邛  
瓦礫人耕唐廢縣風煙影帶蜀邊州青山郭外藏僧  
寺黃葉磯邊泊釣舟有柏蒼然忘甲子更無人及老  
塵秋又濃翠荒青鎖寂寥嵐煙一抹薄丹霄樓高水  
綠窮原隰柏老山蒼閱暮朝苦竹無僧雲板歇靈巖  
有雨瓦松驕有人漂泊生涯淡一任鴻泥上碧椒

靜林寺距治九十里

仁壽縣志

卷十三

勝蹟志

三

夏簡淨林寺詩淨林風物獨蒼涼猶是征車滯異鄉  
天末浮雲依古寺江頭落木亂斜陽菊殘老圃僧無  
語鐘打空山夜有霜猿鶴倚寒如憶我放吟高臥在  
南岡又高林着雨峭寒頻已去仍來感弗勝自顧泥  
鴻踪跡幻前身恐是此山僧又谷口寒鴉噪江頭夕  
照圓地偏常欲雪山迥自生烟落葉沉蕭寺疎鐘耿  
暮天相將苔磴憩僧說出家年

石牀寺距治九十里

龍江寺距治九十里



夏簡龍江寺詩翠微坐嘯記吾曾十載重來感不勝  
桐樹倚窻今長大石墀穿霤舊圭棱花因獻佛新添  
種竹欲遮山偶露僧地證初禪春滿院讀書閑剔佛  
前燈又鬱鬱舊精舍何年構翠微烟霞橫古色水竹  
湛清輝雨潤雲生牖春深草沒扉虛堂老蝙蝠薄午  
逼人飛又世變悲陵谷空林落照低露螢廊下熾妖  
鵬日中啼翠竹支崖麓青山立水西雨餘蕭爽意有  
客墨閒題又風雨何年寺嶽嵌枕翠微梧桐穿霤出  
蝙蝠礙人飛露草明疎火空堂逗夕暉還應閑化鶴

仁壽縣志

卷十三

勝蹟志

五

千載一來歸

梧桐寺距治六十里

千佛寺距治八十里

觀音堂距治七十五里

太清觀距治七十里

文公菴距治六十里

觀音閣距治七十里

蟾佛寺距治九十里

延祥觀距治六十里



元通寺距治五十里

白雲寺距治六十里

觀音寺距治九十里

古佛寺距治八十里

余家寺距治百二十里

湧泉寺距治百二十里

謝菴寺距治六十五里

李家菴距治七十里

王家菴距治八十里

仁壽縣志

卷十三

勝蹟志

五

雷鳴寺距治六十里

鳳鳴寺距治六十里

能仁寺距治六十里

龔家廟距治九十里

三聖廟距治八十五里

天國寺距治八十五里

五顯廟距治八十五里

白塔寺距治五十五里

水口廟距治百里



東巖寺距治九十里

西巖寺距治九十里

西巖寺藏經碑刻楊慎詩杯渡西江浦風分左蠡灣  
鶴隨環錫過龍護貝函還自是水精域會非火燄山

東平朱口意來往莫辭艱又安石登山邀勝侶維摩

臥病對高僧花宮夜氣清丹壑樹杪泉聲落翠層間  
泛滄波來寶筏還瞻白日繫金繩玄言寂寂傾蓮漏  
微月娟娟隱蕙燈 趙貞吉大洲詩洗鉢長干寺鳴

榔一葦灣經收唐奘譯歌學楚狂還草綠金沙島雲

仁壽縣志

卷十三

勝蹟志

五

開石鏡山慈船偏易渡豈若世途艱 楊名方洲詩

聞說金沙最上乘十年雲水一高僧歸來穩臥西巖

谷眼見天花落幾層又安禪遠赴臥龍山參透真玄

指顧間向日工夫今効驗雲巖石壁正躋攀 王珣

方湖詩勝概西巖寺巖環一水分寶幢飛曉霧祇樹

帶寒雲地擬金焦盛僧兼慧遠羣坐來諸障淨落葉

自紛紛 李鳳翱詩憶昔陵陽山跨鼇隔雲霧我曾

供老脚玉泉汲流素西巖闢古刹菩提杳無樹公靈

炳西來狂深砥一柱錦江金沙洲與公邂逅遇究竟



如正鵠飛躍宜孤鶩青兕吼空林白牛駕熟路坦然  
水精域團團湛秋露公能會靜虛我久苦巖誤歸去  
雲滿衣野鶴忽凌翥又芻豢苦塵刹虞機雜馳騫下  
土戀塵牽天真日已痼千劫吒輪迴一語誰頓悟偶  
觀壽菴子法相契指顧蒼月照西巖碧雲團其尸泉  
石微甘冽楓杪滿煙霧湛然敦素心切莫傷遲暮征  
鞍愁客程愧我非玄度 毛起青城詩萬象分明在  
目前須彌芥子本來全七重行樹森森列千佛浮圖  
的的懸無相相中成實相有緣緣外是真緣直須參

仁壽縣志

卷十三

勝蹟志

七

到如如處始證虛空不二禪 周子京詩岷峨笑兀  
最高臺罨畫雲峰曉半開路轉羊腸岑嶺外岐分燕  
尾遠山來滿林秋色粧奇景一澗飛泉湧渡杯化度  
蘭池真境寂鶴鳴松頂共徘徊

禪林寺距治二十里

杜家菴距治三十里

度家菴距治二十里

五龍寺距治二十五里

陳韶翁由涼風嶺至好天巖五龍寺詩涼風吹北嶺



高巖分兩岸百草覆清陰萬松交翠幹蹠躩俯危磴  
鴻洞窺河漢石羅獸立奇泉溜琴鳴亂空翠濕芒屨  
暗香通鼻觀綠水路多歧涉橋梁欲斷兀然開妙境  
遊龍競奔竄諸峯拱寺門古殿欹巖半茶烟颺喬木  
隱隨雲氣散疑有採芝人仙成壽無算我生何所營  
客行苦相絆安得抱羣書小隱披文翰

王家菴距治三十里

姚家寺距治四十里

梁家菴距治五十里

仁壽縣志

卷十三

勝蹟志

五

失名梁家大林山法華寺祖師殿碑記畧邑東五十  
里大林山峯環林繞溪上產魚鹽爲勝地苦山鬼出  
没人罕到頗多琅竹琪花靈禽異獸適異僧從海外  
來鶴髮童顏扶杖懇於吾祖曰肯此地卑耶我能伏  
此魔僧本宗弟逾七日不見覓所之獨坐山巖畔幾  
經晝夜因蘭若焉時箕踞虬松怪石下以大意示人  
聽者了了未幾圓寂徒若孫不忍荼毘搆殿尸祝之  
值邑二尹熊君奉檄浚井來茲問民疾苦順流而下  
聞鐘聲土人曰此梁家大林山法華寺有坐化比丘



像乃攀藤上瞻之木座捐俸倡眾造浮屠熊君於老  
衲有宿因其事明天啓七年

隱靜寺距治七十里

石柱寺距治六十里

中峯寺距治七十里

古明寺距治八十里

羅家寺距治九十里

六皇寺距治九十里

響灘寺距治八十里

仁壽縣志

卷十三

勝蹟志

五

石盤菴距治九十里

普照寺距治八十里

鳳凰寺距治八十里

金龜廟距治八十里

甘泉寺距治百一十里

法輪寺距治百一十里

竹木寺距治百四十里

寶積寺距治百一十里

大摩寺距治百二十里



小摩寺距治百二十里

王家菴距治百里

覺鐘寺距治九十里

玉堂寺距治百一十里

父子寺距治五十里

三慧寺距治五十里

凡若三慧寺詩老山青石出古廟白雲藏蘿磴嵌人  
徑林巒匝女牆門空紛臥犬院冷斷相羊祇有僧三  
兩安禪坐上方又樹老還胎樹山孤又抱山藤盤巖  
欲墮苔鎖徑微灣鎮日林禽語前朝石獸斑大千無  
事在亭午寺門關又古鎮開僧院幽林敞佛堂春花  
紅夾路夏草綠盈塘霧破孤臺迥雲埋廢塔涼菩薩

仁壽縣志

卷十三

勝蹟志

本

吾不識抱影自徜徉又到此塵勞斷偏然福地餘碑  
坊畱古字衣鉢托寒花潭淨魚知樂籬疎竹故遮半  
天清磬響飛落四山家又釋家無世界佛閣又巖邊  
一徑凭欄下諸天掛壁懸香爐橫素石燈坐擁青蓮  
老衲何方去呼來好語禪又鐘動書聲起齋閑梵語  
頻儒門甯傍佛我輩恰依僧入室穿新柏循牆走古  
藤誓將圖畫去  
歸卧看層層

廻龍寺距治三十里

陳韶翁廻龍寺讀書詩荒澗鳴笙磬遙岑列城郭崩  
劣龍屈蟠孤峯控羣壑石磴連階砌苔瓦覆亭閣雲  
英窻際飛樹景簷端落寂處心彌靜幽棲跡可托几  
案積微塵虛堂守孤鶴愛詩惠連清笑質阿咸弱落



落雨三人行赴烟霞約橫琴榻新置待月牖復鑿量  
地施枕衾倚門設簾幙兄弟互師友文章愜歡樂埋  
頭撫芸篇書聲答鳥雀呼童曉汲泉尋僧晚收藥聯  
牀風雨夕一瓢還共酌車馬塞京華山林獨蕭索窮  
達各一時屈伸隨尺蠖巖穴旁求夢澹泊匡時畧懷  
古盼秋風天宇翔鷗鷺

石碑廟距治三十里

青木廟距治四十里

賈家菴距治三十里

仁壽縣志

卷十三

勝蹟志

七

賈家菴張星燦記夫人風塵奔苦之際亟思清涼地  
者此情也山高水媚試一登臨此境也傾蓋無心聚  
談此緣也情到而境弗就境就而緣不逢斯亦已矣  
不敏濫竽井研兼轄仁壽奉檄巡編戶問病方勞勞  
塵網中因駐蹄賈家菴縱目林巒之間清風徐來白  
雲可掬適趙君友孝廉蒲君篤內江庠生劉君銘鼎  
緩步而來共坐古柏陰下飄飄乎有風塵物外之想  
情耶境耶緣耶舉筆書石以紀勝賞

雲潭菴距治三十里



駱山廟距治七十里

太清觀距治六十里

九龍寺距治九十里

九龍洞寺距治九十五里

涼峯刹距治九十五里

明月寺距治九十里

觀音墩廟距治七十里

紅花寺距治九十五里

張家廟距治八十五里

仁壽縣志

卷十三

勝蹟志

三

朝鳳寺距治百里

松峯寺距治百二十里

彌陀寺距治百二十里

羅衫重修彌陀寺序彌陀去治東六十里餘僻腴世

居多茂李氏子九臺效靖接壤羅氏弟龍池結瑰巖

祐瑋巖祐瓊巖祐姪仁山以亮敬軒四愷及以薦以

揆等十五六人間寓潛修每稱鼎松峯碧雲西峙坐

九臺王三峩勝持余氏陳氏張氏李氏熊氏一時遵

邑約正副司察講祖宗訓寺外環聽者洽化主僧惠



祥諳經藏禪覺高年大誼尤服品評自是聿新梵剎  
重光修宗如制前修業講訓者便殿陛間樹巖構勒  
彰美遺躅愚謂寺勤遡西來演教旨故與寶典成華  
歆歆和寂不然竄著老佛不見賞幸聖謨要意並習  
靜不侵物汨慾上品資丰皆瓦礫擲地非復王者無  
外天地一體且罔通古今異宜西教明倫化貢賦就  
列閑邪戒辟與齊民等人人火書常免過慮以若故  
則列名勝鎖金殿香蒲座納清規鉢錫雖不眞見偏  
袒祇園大比丘演言貝葉蓮粧金獅雲馭誠若藏稱

仁壽縣志

卷十三

勝蹟志

三

光華視流血刻骨鞭笞敲扑又至磨牙搖毒睚眦竿  
羽竊奪奮怨皆賦役繁重驅逼煎迫所使當揖高僧  
拜禪院少息狼貪鷹搏之焰此一時爲俗垢頽爲教  
埤弛亦出一說則習業講訓渾扶元化王者天地之  
心誠不屏棄惠祥且耕賦經戒睦和茂鄰一鄉好之  
固不礙治亦不廢宗士人弗尤於言而丰格枯死捨  
慾熄煩能自成就當完勝槩則我陵陽迺蜀庸隩區  
蜀庸又部州西極起覬震且俯此禪臺初無俗惡嘗  
謂修性者約接命者次之兼性命通天下古今天地



萬物華夷者功勞任重每欲特著一經因此勒言弁  
記終篇於是爲序明嘉靖乙丑歲

淨土寺距治百三十里

李家寺距治百五十里

朝陽寺距治百二十里

朝陰寺距治百二十里

開元寺距治九十里

圓覺寺距治百里

新開寺距治百一十里

仁壽縣志

卷十三

勝蹟志

畜

玉臺寺距治百二十里

青林寺距治百六十里

海潮寺距治百八十里

東嶽觀距治百二十里

余家寺距治百二十里

靈龜廟距治百一十五里

廣福寺距治百二十里

凡若廣福寺詩不知山隱寺寺外滿松煙六月寒生  
徑羣花照入筵僧都能飲酒余亦愛譚禪只是香龕  
懷無人與結緣



峩坪寺距治百二十里

凡若題聯教以觀世音羣呼大士乃上得同如來慧  
乃下與諸眾生悲却當時一證金剛接引也纔幾箇  
怕只是慈航尊者發願臨凡未了號為法王子等樣  
菩提或名因修普賢行或實無二文殊相何今刹參  
依鐵佛莊嚴還同三峩想亦仍達摩初祖有緣開化  
不差者樹菩提問東土何根栽去是花姊妹都西  
方得果傳來又詩我聞大墳坵供佛歲不虛望峩  
幾百里故有一樓居豈不大坪好香燈於焉須云胡  
佛子下朔寺同治初迎彼觀音來普賢和文殊何人  
不施捨金相光巍如可以當峩坪諸天此甯孤鐵佛  
又石佛寺寺一木魚我來以瞻拜泊然所禱無甯  
題幾個字粗將釋氏扶何以作菩提一笑心有餘

鐵佛寺距治百二十里

凡若題聯問如來有何二法即法亦緣却怪那經卷  
五千聞法都疑還處處為人說法知自在惟是一心

仁壽縣志

卷十三

勝蹟志

七

凡心皆佛但謝他塵勞八萬覓心不得便常常與汝  
安心此山如靈鷲叢林鬱鬱望墳坵鳳觜可憐他  
埃紅怎了何寺有毒龍妙相巍巍想石佛峩坪都同  
這光白無邊又詩松間有鐵佛隆起殿三重寂靜  
泉流壑圓明月掛峯清齋畱客食禪  
誦舞僧容可得塵勞歇頻來此過從

石佛寺距治百二十里

凡若石佛寺詩草徑餘陰滿雲巖澹翠重老僧何佛  
說孤寺斷人踪汲水烹清茗看山倚冷松無為長住  
此西去  
好禪宗

羅家廟距治百二十里

半邊寺距治百四十里

騎龍廟距治百四十里



玉林寺距治百三十里

玉皇廟距治百四十里

聖水寺距治百一十五里

蓮花寺距治百一十五里

上覺寺距治五十里

下覺寺距治五十里

懷空寺距治四十里

聖泉寺距治四十里

白雲寺距治七十里

仁壽縣志

卷十三

勝蹟志

奕

玉臺寺距治百四十里

西蟾寺距治百六十里

白壩寺距治百四十里

淨土寺距治百里

李元重修淨土寺記畧釋氏之書明帝時流入中國

然論緣業果報喻愚蒙而已流傳既久變為異學之

清虛禪學之覺悟嘗讀勝相院記信矣哉沙門之行

苦而佛道難成也蘇氏之學其於禪談所以折其口

而闢其塗者洙泗之傳抑天竺之傳耶讀彌陀間記



又不知李氏信以彼之心法合於易之無思無爲又信以彼之戒定慧合於中庸之明誠否耶及讀悉賞觀心說釋氏上下論則儒釋之體用似同實異可見也竊惟儒道易行而佛之祠累百其徒又增益之儒之宮一而吾黨或不加省淨土寺悟中殆材高行苦者歟寺在邑漢陽鄉安養山半不知何時興廢石佛一尊屹然坐榛棘中景泰丙子始得地鄧潘二氏薙穢廬以居又傾笈貨墾田土躬耒耜惡衣食經營擴撫銖寸積累以漸修建佛殿天王殿山門法堂經樓

仁壽縣志

卷十三

勝蹟志

七

僧房客舍及庫庖庖溷之所最五十有二楹又得邑人夏朝然匡永澄夏松等塑飾佛像天王像於其殿中木石堅良金碧輝映宏治乙卯語其弟悟性其徒丹善丹澄丹瀄滿仁曰我與若等治是寺餘三十年幸後毋忘治中叙本末如此畧次第之併及其教之所自與余之不能無愧歎者以爲之記不惟重其人服其盛且論於吾黨以爲如之何其可也中姓江氏其父釗邑之瑞雲人中幼從大邑東印寺可照師遊

寶珠寺距治百二十里



萬壽寺距治百里

大林寺距治百里

龍居寺距治五十里

正覺寺距治六十里

廻龍寺距治三十里

石萬寺距治三十里

董泉寺距治四十里

普照寺距治三十里

湧泉寺距治三十里

仁壽縣志

卷十三

勝蹟志

六

德禪寺距治六十里

劉家菴距治七十里

光相寺距治五十里

黑水寺距治五十里

三清寺距治七十里

覺皇寺距治七十里

青雲寺距治七十里

道姑菴距治七十里

觀音閣距治七十里



積福堂距治七十里

白馬寺距治八十里

榮華寺距治八十里

石牛寺距治百二十里

姚皇寺距治九十里

古寺距治九十里

圓覺寺距治百里

飛來廟距治百二十里

向家廟距治百二十里

仁壽縣志

卷十三

勝蹟志

九

洪湘寺距治百二十里

觀音堂距治八十里

二峩寺距治九十里

老君寺距治九十里

石佛寺距治九十里

龍池寺距治九十里

龍興寺距治九十里

張致和重修龍興寺記畧仁壽居蜀東山水窟中梵宮名利布滿巖區而龍興爲甲連山互峯發跡劍門



迤邐數千里至龍興而融結頓峙岡復巒重遠近爭  
異蓮秀珠藏天造地設其神靈之所鍾風氣之所會  
必有古今特人主盟是地詢之前代比邛弘教大師  
始開其山其知識已不可及元至元十四年甲午住  
持普玉承業未幾厄兵燹明洪武二十年丁卯比邛  
祖震以寬靜法性來此掛錫其徒道善苦行作生以  
成厥事占能聰慧敏捷以助其勤合謀僉同舉無遺  
慮出瓦甃於荒蕪拂礎石於苔蘚顧而樂之歲鳩其  
材日庇其工躬率眾徒殘山破嶽側耕危穫旣而室

仁壽縣志

卷十三

勝蹟志

七

有餘資廩有餘粟指匠趁斤經始營度增下彌高曲  
勢迂步不日而大殿成深三丈六尺廣四丈八尺高  
不及深一丈五尺右則舊大悲閣深一丈五尺高三  
丈修七丈前天王殿深三丈四尺修四丈八尺重簷  
度閣前左則齋室五楹右則僧房若干楹深廣各若  
千尺環以靈溪跨以長橋崇垣廣霤穹圜遂筵整整  
如法若碁布局若星拱垣前後費若干緡皆出衣鉢  
至其圓松勁柏幽篁茂樾隱於山光水色烟雲映靄  
之間而莫知其端倪眞法界中絕無僅有者又其地



多潛蛟蟄龍飛躍無常或出於佛殿井中或蛻於山門溪水每去必雷雨交作陰雲滿寺對面不相識既而開霽地陷數十丈惟餘溝中泥淖涎沫屋宇階屺毫髮無損古號龍興信不誣也於戲名山多矣始則宏敞昕夕之頃囂塵滿席從無人過而問之而龍興古寺值僵起仆乃出於僧尼夫山結川融何地無之而福地洞天有一十八神明豈不存乎人哉

雲臺寺距治九十里

林溪寺距治百里

仁壽縣志

卷十三

勝蹟志

圭

大碑寺距治百一十里

德應寺距治百二十里

龍巖寺距治百一十里

大乘寺距治百二十里

白雲寺距治百二十里

郭家寺距治百二十里

鳳凰寺距治百三十里

古佛寺距治百三十里

卓秉恬古佛寺詩一徑入危石亂松青到門隔花僧



影淡穿竹鳥聲喧殿古藏雲氣簾高見漲痕偶來尋  
斷碣零落字無存

奉國寺距治百一十里

洞洞寺距治百一十里

觀音寺距治百一十里

青果院距治百一十里

積福寺距治百二十里

新菴堂距治百二十里

金像寺距治百三十里

仁壽縣志

卷十三

勝蹟志

三

劉元金像寺塑文昌觀音記畧紅花古蹟之濱金像  
禪林嘗泊舟江上散步其間竹徑編籬柏林擁屋奇  
峯東峙錦水西環蕭然塵外道光甲辰汪瀛洲等省  
文昌帝君像殿中庚戌重新觀音大士像予維文昌  
天星權衡祿嗣主宰文名其神則詩所謂孝友張仲  
大士以智慧光具無量法朗燭四生六道慧徹三界  
十方皆不必藉人靈而祀文昌大士以契文昌之神  
而會大士之旨亦神道設教警策人心爲 國家治  
化之助歟



菩提菴距治百三十里

白鶴菴距治百三十里

華嚴寺距治百八十里

白蓮寺距治百一十里

觀封寺距治百一十里

大佛寺距治百一十里

張含英注自聖人以神道設教由是有壇廟之祀祀典所頒尙已下此民間宗祠外各省會館暨文武夫子廟川王一切神道有功德於民者城鄉莫不供奉

仁壽縣志

卷十三

勝蹟志

三

又我朝二氏并尊罔敢有外要之皆以翊贊王化非同淫祀者也



勝蹟志

冢墓

牢固冢在治東南六十里高一丈五尺蒯參至孝葬母於此修墳牢固因名當係魏晉時人

漢將軍馬武墓

梁汝礪汪道光丙午和家場龍馬埵土人掘得古碑上書漢將軍馬武之墓七字不之識碎之地名龍馬其馬子張葬斯歟

唐李同墓同丹稜人爲始建令卒葬籍縣

仁壽縣志

卷十三

勝蹟志

古

唐牟尙書墓在廢貴平縣後唐同光五年領陵州事陳貴民撰碑記邑令毛沂立碑

宋范雍墓在治北百里

宋何丞相墓在治西十五里天池山墓前有二石柱天池山麓顯忠院宋尙書僕射何奩藏王處僕射從徽欽北狩死沙漠華表柱猶存墓高三尺八寸穿心一丈五尺墳前十九弓墳後直上山頂四十四弓墳左七弓墳右十五弓二尺碑記一座碑坊一座石人二尊石柱一

根



邵盥詩掄元授相飲名香應是衣冠此地藏傳列史  
臣猶有憾魂招異域也爭光荒原斜抱烟嵐禿野樹  
遙牽薜荔黃石冷碑橫狐兔守故壙有客奠椒漿

宋虞秦公墓在治西三十里玉山鄉

宋虞忠肅公墓在治西三十里玉山鄉舊有祠今廢墓  
高五尺穿心二丈墳前抵石牆界五十二弓一尺墳後  
直上山頂五十三弓墳左抵山脊六十七弓墳右三十  
三弓四尺

邵盥詩宋室如公有幾人乾坤再造展經綸謀猷動

仁壽縣志

卷十三

勝蹟志

七

卽關天下獻替心甯愧大臣渺渺風烟凝肝鬢丸丸  
松柏度冬春我來七百餘年後馬鬣封前薦藻蘋又  
那得雲初掃墓田空餘過客問山川苔埋翁仲年多  
厯石臥麒麟影可憐猶見前朝碑植地從知元老德  
彌天階前荒壠誰家子經理還憑守土賢 邵塾記  
畧宋史至雍公傳忠烈義勇南宋第一流人當金亮  
渡江宋室垂危公制變乘機奏功采石由此別厯中  
外從容密勿毅然有志勦滅圖恢復之計雪君父之  
仇赤忠皦然文靖公日待事有先機應變有餘智持



久有定力處物有成謀此可以狀乃祖生平者矣不幸賚志以歿詩云人之云亡邦國殄瘁豈非天哉普甯公桑梓地聞托體玉山鄉昔之佳城吉壤今之蔓草荒煙蓋祀事不修久矣嗟乎公文武大畧石柱一時馨聞千載典型斯在宜清理祭田重爲建祠春秋奠獻表章前蹟有司之事記之以諭來者

黃牟修何虞二公墓序蓋物有氣類不同而精神相感者血本無知錦里而周臣化碧草甯有識綠浦則漢女畱青臺邊靈藥信表延陵之風堤外南枝忠傳

仁壽縣志

卷十三

勝蹟志

七

武穆之素是以洗墨池荒墨蛙長在著書人去書帶彌芳蓋莫不冥感潛通反其恆質效靈表異彰厥遺清曾謂懷古悵時代之遙思人幸居址之近如吾輩者而顧徒仰楷模不惜松檟其不使草木獻嘲虫魚騰笑哉邑鄉先正何虞二公生乎元二之會同焉貞一之臣一則致命遂志殞首胡沙一則浴日補天銘功彝鼎一則隨丹旒以歸魂衣冠葬碧一則寐黃泉而痊玉邱壟生光想其壯節崇勲炳燐史冊得不豐碑華表焜耀鄉邦所以七百年後血食不籍子孫二



十里中林壑常餘葱蒨表章則賢令之碑修復則書生之記偉乎天池不涸藏主長存玉山未頽托體無恙者也於是當三春之暮作九原之歌椒酒則奠紙錢欲飛招魂兮而歸來痛餒而以哭祭而乃三尺封蕪丞相之墓一抔土空僕射之名卧麒麟於底處豆麥迷離裂鬣屬於何時碑銘斷壞流覽至此感慨係之所當呈詞公府誕告邑人斷絕樵蘇經理疆界然後建置規條畱貽永久則綠水青山舉無削色忠魂毅魄亦有賞心矣嗟乎景純註雅長卿鼓琴瘞鶴有

仁壽縣志

卷十三

勝蹟志

七

銘退筆畱塚昔之鴻爪偶存今且麟毛等貴曾是英靈之所棲托精爽於焉依憑也耶式贅數言爲茲名墓仰惟羣力恆此芳踪 何虞二公歲春秋祭復墓前拜掃致祭舊在學田頂內撥錢十串作猪一羊一之費王祭者學官從祭者鄉紳同治四年稟請屆期扎飭城局備具猪羊隨同學官致祭學官公出同城官主祭并將墓前餘地租息歸局經收批准在案備

文移知

宋待制陳咸墓在治北五里寶籙院宋寶謀閣待制陳



咸葬所號寶謨阡宋故事位顯者得墳側度僧薦先福  
宋程壬孫墓在治北百一十里金華山上

明蜀定王墓在治東八十里東溪山

定王名友垓和王子天順七年以保甯王嗣好學工  
詩賦善草書是年薨有文集十卷諡曰定

明蜀王墓在治北籍田鋪相距五十里有妃何氏墓稱  
皇墳

李元注蜀七王獻靖端昭僖懷惠俱有墓在成都華  
陽二縣地未知此蜀何王

仁壽縣志

卷十三

勝蹟志

庚

皇墳一在治北百三十里府河滑石灘下流西金雞寺  
有垣圍十餘畝高五六尺

明巴縣舉人倪端墓在治東北五十里文公菴後山上  
明雲南布政劉元墓在治東七十里將軍山

明河南道李春旺墓在治北百里藉田鋪臥龍山一里  
明桂林守閔之聞墓在縣城舊書院後山今考棚後

明參軍李興茂墓在秦皇寺西南隅三里

明參軍李興茂妻吳氏墓在文公菴五里門斗嘴

明王崇湘墓在治北金華山崇湘死獻賊亂招魂具衣



冠葬

明韓婁墳在松峯場北七里明末流寇畧仁壽氏率族與鄉人拒之敗死

太子修行塔在治南百三十里廢湧泉寺左明萬曆戊寅建第一層鐫太子修行道場六字

明僧懷空塔在玉屏山

明進士徐奭墓在治南八十里張家場白鶴山有碑記翁仲

董天官墓在治東能仁寺旁有碣

仁壽縣志

卷十三

勝蹟志

堯

閔天官墓在治南四十里湧泉寺山下

黃察院墓在周龍場白虎嘴中濶縱橫丈餘已崩露  
隱君子仁之墓在治南百二十五里李白渡里許

馳氏穴在治北六十里馬鞍山下前後二塚後塚上建石廟內坐男女二像前塚空濶人可出入入輒病

王璪墓在治南四十里韓婁寨

璪華陽人乾隆丙辰進士爲湖北東湖令歷官三十年清潔不蓄一錢告歸邑令倪鼎銓延王齋峯書院壽八十卒門人醵金與配楊孺人合葬



江蘇朱緇衣墓在蘇灘霽人寺山

學院題名碑緇衣四川學政以賄敗流寓仁壽死葬

斯

協鎮李廷臣之父母墓在古佛寺側

與國州知州奚大壯妻楊宜人墓在古佛洞河東二里

大學士卓秉恬母王太夫人墓在治北百二十里尖茶

溪左金龜山古佛寺廟基門外有碑亭華表翁仲

湖南新化知縣鄆照蘭墓在毛家河山陽

筠連訓導王三聘墓在老鶴窩宅後

仁壽縣志

卷十三

勝蹟志

全

欽加道銜蒲圻縣知縣周和祥墓在龍王山

奉政大夫李惺墓在治北二十里分水舖左四面山

凡若記先生李氏諱惺號西澗忠州墊江人誥授奉  
 政大夫詹事府左春坊左贊善國子監司業翰林院  
 檢討充文淵閣校理國史館協修嘉慶丁丑進士棄  
 官後掌教瀘潼錦江閒遊山水愛仁壽四面山遷其  
 先人葬斯歲時省再嘗曰某後當附側以同治三年  
 二月終於錦江書院年七十八歲咸會葬焉先生學  
 宗鄒魯體諸躬行清高當代推重門人六七千內部  
 屬詞曹臺諫貳卿外封疆以下藩臬觀察太守刺史  
 縣尹廣文下至舉人貢士無論先生世籍二千外  
 又艱於嗣前撫姪天續且穉今墓在庶無樵蘇困云  
 輓聯曰麟也胡為來相悲尼父其龍乎吾弗知猶  
 說老聃輓詩五十韻同治三年春天下大老亡夏  
 五陵州朔會葬北門岡慘慘雲為淒雨淫生悲涼岡  
 上夜臺高李氏遺骸藏益之斯文寢四面山生光我



來苦不及相止勿倉皇高山不可攀設奠而徬徨師也  
也塹江水翰林恣翱翔利祿之無營身世付茫茫便  
與山水伍對之寒冰霜始瀟終之潼錦江中相羊未  
說人師難戊戌於門牆曰我秀才伯怕之文岷強不  
如陰隲好老矣六槐黃歸去且遊戲稍稍望以償我  
意在千秋科名惡足量四試於禮部一官冷戎方師  
曰子纔宜溷人以猖狂引疾臥不早高峩之故鄉中  
間問以疎知我心無忘會面不四五於何辦香將一  
會又匆匆陳言不能詳師弟而父子重當及家常師  
且憂世深熱血一腔傷十年山長席詞章講未遑云  
何天子命團練無主張師辭團練大臣命事勢不  
可爲來修通志忙石室今何加大哉夫子堂師門人  
童子牧主講小往內院寂山斗其重望今年七十八  
聽說病於牀大藥有三品進之初未嘗師但抄道德  
經自隨塵勞又入萬遊倦脚斯僵師病脚氣甚滿死  
或壑死就埋斯焉臧哀哉不快哉一生此顏唐師云  
溝死溝埋壑死壑埋嗚呼哀哉豈不快哉送我也何  
必仕而隱孔孟之心腸身後事不問羞澀乎錢囊師

仁壽縣志

卷十三

勝蹟志

全

沒日一錢無餒而三家口安頓無下場有師母及守  
貞孫氏女世嫂又過繼五世叔子承祧二世叔又殂  
後師十日故大世兄云殤十餘齡死在數年前寡媳  
孫家女待字來奔喪天平人何尤只看後其昌末世  
重高風粗焉大事襄區區幾千金不值其行芳遺文  
收拾誰字字川琳瑯請之入鄉賢此禮宮憲當駱宮  
保甚隆禮師無爲悲不遇俎豆外彌香况然徒數千  
感唱又道旁我縣幸官羅於壙陳酒漿鑑平先生另  
道會葬名爲地王誼拜倒其壞梁我欲竟此  
詩盈盈淚兩行嗚呼悲風來山高而水長

縣城義塚東關外箭道左傍李春彥地長一百二弓寬  
十四弓箭道上坡舊地一百一十五弓寬五十七弓又  
史令置一處西門坡舊地長三十二弓寬六十七弓北  
門舊地長三十四弓寬四十四弓



東關外新置義塚序西土流膏爰溥澤枯之量東郊  
布令有隆掩骼之文故曹褒遷射聲卑停棺而無歸  
者有賴陳寵守廣漢瘞敗柩之失所者咸安前者縣  
令侯公瞻藁葬之纍纍新故鬼交相枕藉概蓬飛之  
漠漠貴賤骨同此淹留壟接荒城任馬牛之蹂躪墳  
交孔道兼狐鼠之縱橫乃捐鶴俸之廉另卜牛眠之  
吉卒以宏願遽然榮行今者縣令史公飛蜀國之鳧  
素燕臺之駿蹤追舊尹心等菩薩悲蔓草兮荒烟憐  
青山兮黃土其誰暴骨有待招魂於是抵阜營基依  
仁壽縣志

卷十三

勝蹟志

三

隍掘塹出火坑而蟻聚同登大願之船扶疆魄於龍  
輻儼陟上方之界旣營堅而壙固燐火光沉尤聚氣  
以藏風齧峯翠聳舊趾則宏開射圃新阡而遠傍藝  
林向之風冷白楊併仁人而同慨今焉澤流黃壤或  
死者其有知咸豐元年孟春序

東林鄉義塚朱家橋張姓地長十五弓寬十七弓汪家  
場楊進祿地長八十二丈寬二十二丈又湖廣館打磨  
灘地一處廟後山地一處又廣東館大石埕地上下二  
處又江西館李家山地一處趙家嘴地一處又十八人



義塚會打磨灘下并田地一處又袁文藩施地一處又馬芸薺置樂嘉地一處復興場龔柳地一段吳君智林雲輝地一段祿家場湖廣平安會吳德朝李仲文會元海徐文華置地長百三十丈寬二十一丈又周維興置石板田地一處長十六丈寬八丈又唐仕閣置貓兒形地長二十四丈寬十七丈麻子地長二十二丈寬八丈銅鑼山地長十六丈寬八丈共三處又黃中昌置曹家壩地一處上寬八丈下寬十六丈長九丈舊青石山黃朝清地長十丈寬五丈黃興智置大寶地一處針匠

仁壽縣志

卷十三

勝蹟志

全

店舊地二畝曹宗奇地長十丈寬二十丈又新置曹壩灣地橫直數十丈泡馬灘汪灝駱文才地四畝觀音橋舊地長二十五丈寬二十四丈又三聖宮置蔣姓地一處鄧文德父子置長山埂一處小葆溝一處鎮子場舊地四畝九分又宋朝瑞地長八十丈寬五十丈廣濟會雙土地一處同緣會三塊石一處徐家店舊地長十五丈寬十五尺又鄧宗榮地長十丈寬五丈韓坡嶺舊地一畝虞家場曹文政地三畝又張天陽山地一段滿水井舊地長七丈寬五尺咸豐壬子又置二處陳元欽置



陳家溝棕樹塘二處張家場張奇官地長五十六丈寬四十八丈趙家場袁玉才地三畝五顯場舊地二畝松峯場舊地長四十丈寬五十丈又劉子福劉登朝施福泉山地一處長十丈廣二十四丈碗廠場小蓬萊山地一處又張含英施張家山地一處觀音巖地一處三百步地一處五皇場陳占元地一區新場龍爾洪邱占先地長二十丈寬十五丈迴龍場李朝俸徐滿一區又吳萬和等添置數處查家場曹登龍地一畝曹家場舊地一區劉漢鑑地長十五丈寬十五丈雷世位地長十三丈寬三丈涂家場場北一處

仁壽縣志

卷十三

勝蹟志

舍

安下鄉義塚傅家場舊地長十丈寬十丈又舊地長十五丈寬四丈又張學聖地長八十丈寬八十丈何家場舊地一區又朱吉光等舊地長三十丈寬十丈又賀復生地長三十丈又歐陽崑地長二十丈寬二十丈迴龍場舊地長十五丈寬八丈又五省增置場後一處向家場何廷秀地長三十五丈寬十丈又李子興地一處四畝八分芋頭場舊地長十八丈寬六丈又杜君碧置場外地全山一處又唐虞階置雷鳴寺半里一處方家場



舊地長四十二丈寬四十八丈又韓超文置曹家溝地  
一處約十餘畝張家橋舊地長四十丈寬四十三丈又  
辜興先孫盼宗置伏虎山地一處又朱仙佑置廟廊山  
地一處又張祿置洞子溝一處分水舖侯左相地一段  
青岡丫舊地二區又僧昌海猪槽溝地直十三丈五尺  
橫四丈五尺又劉子祥猪槽溝地一畝八分又伍正位  
陳家溝地橫直十五丈又高石菁上陳家溝伍朝瓚地  
三臺直九丈五尺橫八丈二尺白土鎮舊地二畝謝菴  
寺舊地一段石金岡葉紹先地一處北斗鎮文武宮舊  
仁壽縣志

卷十三

勝蹟志

全

地一處又董宅后一處西崖寺后一處松柏淵上一處  
又新置廖山地一處  
順和鄉義塚石膏舖舊地一區又易煥章地三十八丈  
寬三丈六尺興隆場舊地長三十五丈寬二十五丈六  
尺奧林場徐國鎮地二畝又徐國英地長十丈寬八丈  
大滑石舊地長十五丈寬十四丈高家場舊地長六丈  
寬五丈羅成紹等地長六十丈寬六十丈又陸定國李  
紹海相連置地八畝又廖愛周置地一處約十畝馬溪  
場韓緇朱緇衣施地一處長八丈寬四丈余洪銀施地



一處又辛紹邦置蠟樹溝地一處中壩井舊地長五丈寬四丈又高學彬置熊家溝地一處三畝金河場高燦忠置一處十畝馮可先置大河壩一處五畝小成家溝一處十畝老君場高必雄地長三十丈寬二十丈楊柳場舊地六畝龍居場徐記友地周五十丈又郭洪德地三畝光相寺夏文元地三畝三星場舊地二畝撫均場馮家駒騎山寺一處文公場舊地長四十五丈寬三十五丈又馮家駒湯成溝一處騎山寺一處各二十畝陳道坤獅子山一處永興場舊地三畝清水舖舊地四畝

仁壽縣志

卷十三

勝蹟志

全

又戴世林地長二十八丈寬十三丈又張含英新店坪一處圓通場鄧榮光等地一區籍田舖夏珩地長四十二丈寬二十五丈又陶仕富胡昌煥置松子壩地三畝大林場舊地長十六丈寬二十四丈黃龍溪舊地七處共九畝七分又林人清置古佛洞小魚塘地一處橫四十一弓長七十弓五聖場張廷選等地長二十丈寬二十丈煎茶溪場外老義塚大土溝元寶山三處又黃土坎山地一處約八畝林雷氏錫珩妻置華嚴寺後地一處十畝零林三氏之翰妻置古佛洞山後地周三百三十



九弓共計二十九畝九分

凡若募置義塚小啟夫以青邱郭外古墓纍纍綠草  
叢邊佳城鬱鬱即長暮者有偃然寢於室之樂臨死  
期者無舉而委諸壑之虞此固上世之制禮宜然而  
亦仁人之用心有在者也若乃蕭疎戶口零落隴頭  
將從山鬼之遊一杯何土但脫江魚之葬四尺無封  
暴骨年年悵黃泉之不堪愛惜並泥沙而爛死致足哀矜  
豈土木其形骸不堪愛惜並泥沙而爛死致足哀矜  
爰是義塚方興相沿故鄉已久爭奈後人不祿莫託  
先人之塋遂教新鬼無聊相將故鬼之窟始則墮間  
而相枕藉繼焉泉下不其餒而却逢蠅蚋嘬來聞之  
酸鼻又被牧樵去黥若銷魂之際此情何人何故  
必有職其咎者將焉取而藏之嗟乎飛鳥無情啣泥  
塚上垂江欲墮瘞骨崖間既食息於人中死無所殯  
怎流離於鬼國魂莫於歸撫精魄以何依料遊魂之  
為變孰無情而堪此誠有見以云然在昔周文澤枯  
云即其主亦越鄭僑說鬼曰為之歸蓋推愛己之意

仁壽縣志

卷十三

勝蹟志

全

以愛人即本事生之文而事死是以凶葬有贍范文  
正記著義田畚鍤相將王陽明文成瘞旅非好事者  
皆有心人我鄉多少窮丁端賴大眾君子寄悲憫於  
重泉之下徙流亡於甘寢之旁指以寸金買將尺土  
等成山於積壤咸負士以為墳則憂人之喪不必脫  
驂以贈而因地之利庶幾若芥為封嗚呼繁何人繁  
何人而埋藏於地下者得其所  
得其所無為厲於茲墟兮此啟



勝蹟志

器象

琴臺在儒社山父子寺就坡石爲之几案俱備案長丈餘几髻痕宛然相傳虞允文彈琴處

喻汝礪遊琴臺詩臯朔語類俳上頗倡優之嚴吾數預事慘慄失所棲慨彼猜忌恣公卿命如絲夫子迺謁閑○○○○○眷言彼妹子深情結幽期浩露泛酒甕輕雲思琴徽撫弦視八荒頗覺秦岫低紛紛嘆諸子悟解良獨遲一朝不自保頸血霑裳衣公豈不

仁壽縣志

卷十三

勝蹟志

矣

炯介慮禍益已微汚已迴前識達生賣天倪濶哉昭曠情豈屑後代嗤 王承志詩虞絃一曲南風譜流在陵州遂千古南渡以來更無人儒社山中虞彬甫一父一子寺盤桓丈長石案几兀然五聲八音治忽察不應南宋調偏絃賸水殘山空半壁偷安那得如磐石金人立馬吳峯巔誓欲渡江炊朝食公故犒師蛾眉臺舊帥已遁新未來試展改絃更張手笑倒膠柱都麤才回首琴臺尙宛在誰其知音後亦悔書生如此罷歸來坐令匡山死蹈海吁嗟乎相如琴臺已



銷亡乃有丞相汚水旁章武石琴臺下血空餘忠武  
相頡頏 陳韶湘詩三嵎山下虞公廬瑞竹故園生  
有無路出城南五十里一峯特聳煙模糊田翁指謂  
是儒社四圍古樹凌霜株徑躡高臺拂琴座巖邊片  
石青珊瑚鸞翔鳳翥恣飛舞似此溪山真畫圖想像  
撫琴氣韻在天風吹處仙禽呼一彈再鼓將相畧取  
悅俗耳非丈夫生際時艱運板蕩此手還期天地扶  
南渡君臣主和議臨安幾覆錢唐湖草檄書生已叩  
馬掛冠儒將空騎驢維公突出雷雨奮肯令大帥輕

仁壽縣志

卷十三

勝蹟志

先

吾儒功成采石矯詔得宋室再造恢東都淝水澶淵  
績并擅金人敗走慚吞吳盡收潰卒壯魚麗那許亂  
穴藏妖狐營伍齊驚布置異廟堂疇識才猷殊周郎  
顧曲竟燒壁諸葛撻鼓先渡瀘詎止詞壇善柔翰直  
將韜畧歸陰符東南半壁朝廷小誓剪蛟鱷清貔貔  
金湯鞏固老臣瘁大星夜落凋元樞諡典九原久寂  
寞棲雲一子旋訐謨回首焦桐尙入聽秋陰蕭瑟悲  
啼烏我聞鍾期弄遺響山水調高聲不孤又聞稽康  
著絕唱廣陵散妙傳無徒區區野人文士耳奚能談



笑傾風胡公其得自五絃譜抗懷千載隨卷舒至今  
英氣洩不盡往往歌嘯鳴荒蕪我上鄉關謹憑弔欣  
瞻世澤如聯珠春風精舍讀書地門牆不讓程與朱  
後勁道園學古雅銅琶鐵板追髯蘇西江一去不復  
返忠魂誰爲招三閭烏衣子弟舊王謝曷彈長鋏歸  
來乎

樂道園石筍一枝何丞相讀書此

汪場文昌宮石假山兩座大石筍花鉢四

凡若記余性嗜山水往往爲之齋前與卧遊似至讀  
文昌化書君山雪山金馬山勝境輒愛畱汪場一市

仁壽縣志

卷十三

勝蹟志

卒

井區爲夫子宮雖曰斯文亦陋道光癸卯已來續修  
爲上下殿上殿左右兩廡中空地三四丈許皆石鑿  
之爲一大池畱其中五尺爲神道道間爲橋如弓狀  
通水遂判爲二方池深七八尺足容水數百石不滲  
養之魚生之藻不可無山其間則伐石石無皮亦枯  
不生氣有金錢切一帶洞巖白溜爲石人呼之石筍  
頗異致以爲山簣覆木假不如旣得之夥以粗大又  
苦不得山意蓋安頓之難不難堆垛要在靈奇變化  
思之一月石一熟識胸中俄而一覺睡起曰是可  
以爲獅象作對蹲向上狀再相之其石皆足乃爲之  
臺如式不匠作只力能扛四五六人或加數人聽使  
令石重或二三百斤既疊無能動其交接有力處或  
不盈寸妙在審可間又有欵側欲墮之勢頗巧不可  
測旣成幾兩月心爲瘁兩手皆皴裂人始不覺誑之  
曰生成爾皆驚以爲神物惟妙惟肖其實無匠氣一  
石假山高皆七八尺橫厚稱其體段或曰文昌亦愛  
斯乎余曰不可知然而文人真氣逸氣奇氣之所爲  
之以爲兩座真山可獅象其神似也不一二年皆滿



衣苔蘚卽手痕亦滅去居然古蹟又有四石笋大三兩尺高畧減古致與山勢當鑿空實之土蒔花一株懸其足安之丈高石臺上散布池邊池以上四方高下各石欄杆皆取於池恰足亦質極有文雅意此文昌宮勝境若如化書云夫子其愛焉留斯

署靈官祠宣德瓦三片有宣德七年春造字跡

鐘磬鑄萬厯字又鐵花一樹在白塔寺皆前代物寺旁周十餘里有碎瓦砌礎石器陶窰古鏡佛像往往土田中出或曰古桂花井厥地

鳳凰菴有青銅鼎重數百斤兩耳環銅花瓶二高四尺重數十斤

仁壽縣志

卷十三

勝蹟志

三

順和觀音寺有鐵字庫高丈餘

汪場余家寺有鐵塔高丈餘

涼峯廟有洪鐘明萬厯十六年鑄

五顯廟有洪鐘萬厯年鑄

古佛寺有鐵雲板上鑄弘化九年字

超覺寺鐵燈籠一架佛前鐵花二樹高四尺許枝葉甚繁盛擊之鏗然有聲傳自半月井中淘出工緻庸匠不能爲

廢始建鎮有鐵樹二株各三丈餘長



石院寺有古鏡背鑄福國壽山四字

廣福寺有大鐵鐘正德五年鑄

靈芝山有古磬二上鑄安樂上鄉字

寶峰山洞有古鐵香爐一

黑水寺河中有鐘一泗入撞之石聲鞳鞳然

香爐山有石香爐上鑄洪春坪三字

汪場湖廣館有銅爐大三尺許三足鼎峙

老鴨塘蔣氏有一古獅子蹲香爐兩古花瓶自埋古井  
淘出

仁壽縣志

卷十三

勝蹟志

三

石柱寺有古鐵盃一

鐵錢溝有鐵錢土人開墾得巨億萬今猶有拾之者

甘泉寺有古鐘鑄成化十年安樂上鄉字有明初佛殿

三樑有大明宣德九年重修字殿柱大十餘圍楹以上

皆疊短木成之獻賊燬寺惟佛殿火輒熄怒去刀砍門

痕四入木皆二寸許

青林寺有明萬曆十一年華嚴經八十一卷皆高麗紙

卷首御製四言六合清甯七政順序雨暘時若萬物阜

豐億兆康和九幽融朗均躋壽域普種福田上善攸臻



障礙消釋家崇忠孝人樂慈良官清政平訟簡刑措化  
行俗美泰道咸亨凡厥有生俱成福果共十八句排書  
四行寺碑記殿三重兩重獻賊焚燬獨上殿藏是經火  
不及

縣署後山頂有古將臺高丈餘廣四丈餘方石四面  
賈家菴有兩耳樓獻賊屠鄉人其上樓木板二尺餘寬  
二寸厚削之滿赤血痕

牌樓溝馬氏居有前明屋一間楹四馬桑木抱半大瓦  
尺半長兩尺寬木板壁楹滿刀痕寸深獻賊扎營處

仁壽縣志

卷十三

勝蹟志

七

寶峰寺有王氏女遺容明碑云大佛之下今洞中有斷  
頭神像或卽此

順和觀音寺有大佛三尊一殿正統五年建

謝安寺洪武二年建楹椽欹不傾

能仁寺有古殿鏤宣德年建棟柱皆大木

芋芝山有廢十王廟鐵像一尊

縣東北石佛溝塘邊巖上有元時修建三教神像側有  
真武觀音神像

靈應山有古觀音像一尊



蘇馬頭觀音閣有古觀音像一尊係巖土崩現出  
金像寺有古銅佛一尊

石柱寺柱壁皆石有銅地藏一尊成化石香爐一高五  
尺雕刻如新古將軍鐵盔一重十餘斤

萬壽寺有鐵韋馱一尊鐵土地一尊

鳳凰菴有銅佛三尊

鐵佛寺有鐵觀音一尊萬曆間鑄鐵阿彌陀佛一尊乾  
隆間鑄

廣佛寺有鐵龍神一尊自土掘出萬曆間鑄

仁壽縣志

卷十三

勝蹟志

寺

石金剛有兩石金剛佛自土掘出

寶峰寺巖龕鑿勒釋迦遺像丈六身下刊王氏女遺容

石佛寺有關聖川主龍神三石像就寺東廊大巖石上

萬曆六年鑿

毘羅寺山嘴前一石高丈七八尺屹立就鑿大佛一尊

背後石破碎如蓮花狀佛頂滿青苔面常光潔左一石

高四五尺許就繡小佛一尊

毘迦寺一大石屹立二丈餘高鑿佛像一高幾二丈旁

一小佛相向



能仁寺有石滴米佛像頭高丈餘

石院寺有巖鑿石佛羅漢像

三星場東大佛嘴巖鑿大佛一尊二丈高

黃龍溪大佛寺洞巖半鑿大佛一尊高二丈有奇與山  
埒兩旁阿羅漢像亦丈許

廢石姥寺有石巖高八丈許鑿大佛一尊旁俱觀音及  
諸佛像

大佛巖七洞中洞鑿大佛高丈餘餘亦數十佛像

紫巖洞鑿大石佛一尊高丈許

仁壽縣志

卷十三

勝蹟志

七

陳韶翁大石佛詩一到禪林別有天如來原在我來  
前欲知甲子憑誰問老樹寒鴉繞石邊

峩坪寺有峩山大坪觀音文殊普賢三像順治初造

聖水寺有佛像蓮座皆一木高丈餘濶稱殿柏爲柱皆  
抱半大

圓覺寺有關帝像一木並龕高丈餘濶三抱廟外石香  
爐明未造字蹟今磨盡

張場禹廟像龕皆一木亦丈餘高國初八九抱樹爲之  
籍田舖刑司廟鐵像一尊



前朝雙石獅在三慧寺一貢土壩李氏祠

仁壽縣志

卷十三

勝蹟志

矣

仁壽縣志

十三終